

MAZ.
III
X

BIBLIOTECA NAZ.


Vittorio Emanuele III


XXIX

C

58

NAPOLI






D E
'TYBVRTINI
A E R I S

Salubritate Commentarius.

AVCTORE
THOMA DE NERIS
MEDICO.



R' O M A E,
Apud Alexandrum Zannettum. 1622.

Cum facultate Superiorum.

Imprimatur, Si videbitur Reuerendis.
Pat. Mag. Sac. Pal. Apost.

P. Episc.de Curte Vicefg.

DE mandato Reuerendiſſ. P. Hyacinthi Petronij Sacri Palatij Magiſtri, Ego inſcriptus legi diligenter commentarium de Tyburtini Aeris ſalubritate Auſtore Thoma de Neris, in eoque nihil inueni quod S. Rom. Eccl. aut bonis moribus repugnet, in cuius fidem hac proprio chirographo ſcripſi, ac ſubſcripſi. Hac die 27. Auguſti 1621.

Ego Prosper Martianus Medicus Physicus, &c.

Imprimatur, Fr. Ignatius Ciantes Magister, & Socius Reuerendiss. Pat. Mag. Fr. Hyacinthi Petronij Sacri Apostolici Palatii, Ord. Prædic.




ILLVSTRISS. PRINCIPI
MARCO ANTONIO
GOZADINO

S. R. E. CARDINALI AMPLISS.
ET EPISCOPO TYBVRTINO.

AC S. D. N. GREGORII XV.
CONSOBRINO.

THOMAS DENERIS
Tyburtinus. S. P. D.

 *V*perioribus diebus æ-
stiuus (*Illustriss. ac*
Reuerendiss. Prin-
ceps) horis quasi suc-
cissiuis , hoc de clementissima Ty-
burtini aëris salubritate opuscu-
lum , elucubraui : supprimen-
dumq; esse præ ingenij mei tenui-
tate duxeram; Cum illud neq; sa-
pientum aspectu, nec Romana au-

a 2 la

la dignum existimarem: Nō nul-
lorum autem amicorum hortatu,
& edere decreui, & tuo Illustris-
simo uolui nomini nuncupare; nō
solum quia cum sublimi ista tua
dignitate, qua mirificè præfulges,
cum sis etiam sanguinis vinculo
S. D. N. Gregorio XV. coniun-
ctus, summa est demum tibi inna-
ta probitas, æquitas, atque religio,
quarum exemplo virtutum Chri-
stianam Rempub. iuuiſti ſemper,
& quotidie iuuas; verum etiam
quia uſq; adeo ſumma es uniuersarum rerum gloria inſignitus, ut
tamquam virtutum cunctarum
exēplar potius admirandus, quam
imitandus eſſe videaris. Tanta
vero & tam eximia eſt in te bene-
ficien-

*ficentia, ac morum dexteritas, qua
omnium tibi gratiam cōciliās, qua
studiosos summopere amas, foues,
atq; complecteris, ut maiori ne sa-
pientia, an humanitate sis decora-
tus non facile sit iudicare. Ego sa-
nè cuilibet impar meritis, nemini
non secundus dignitate, ceteris ta-
men hac una incipiam esse bea-
tior, ditiorq; inopia, quod tibi uni
Card. Amplifs. in hisce pangendis
lucubrationibus mea semper desu-
dauit industria. Nimirum quādo
ille persequuntur nostri aeris sa-
luberrimam amoenitatē, nullo ar-
gumento, quam ingenij mei steri-
litate minus propitio ipsas tibi iure
suo vindicabat; cum Tyburis Pa-
storalis isth.ec dignitas, qua Solis*

*instar clementissimos Coeli aspē-
ctus, & retardare potes, & admo-
uere, tum assiduum de bonis benē
merendi studium, quo singulis fa-
cilitate gratissimus nulli non es
præstantissimus largitate, tum ve-
ro mea non vulgaris obseruantia
erga illustrissimā istam Gozadi-
næ gentis purpuram. ergo ingenij
tibi mei fructus primi, prima liba-
mina debebantur, tu illa tuo no-
mine protegi, foueriq; grauatè ne-
feras, & quoniam nec tuæ ampli-
tudo fortunæ restituēdi vicem po-
scit, nec meæ tenuitas remuneran-
di suggerit facultatem; Hūc certe
nostri in te animi. perpetuum ve-
luti testem, atq; obsidē habeto. Vale.
Romæ. Idibus Ianuarij 1622.*

LEVI

LEVINI HIELII

ELEGIA

in gratiam Auctoris .



NERVS init patrias cliuosi Tyburis
arces .

*Ite, triumphales neſcite ſerta Deæ . (phos
Ne vaga Caſareos memoret iã Fama trium
Ne ſua pugnaces Gloria iaſtet auos .*

*Munera damnoſo ſunt hæc exempta duello:
Diffluit alterno ſanguine parta quies .*

*Scilicet his Mundi fuerat complenda ruinis
In cineres olim Roma abitura ſuos .*

*Nunc pax, & placido micuit victoria bello:
Nunc iuuat indomita rûpere mortis iter .*

*Par erat, & peſtis ſcleroſũ abſtergere virus,
Dum ſalit in dubias febris iniqua notas .*

*Seu clauſtino quatiens præcordia pulſu,
Suppoſuit vigiles irrequieta faces :*

*Seu male tabètes ſenſim populata medullas,
Deuouet Elyſiæ languida membra neci .*

*Hæc fuerant: ſpolijs, & clade decorus opima
Nũc redit, & noto in Tybure Nerus ouat .*

*Cernere virgato liuentes tergoꝛe morbos
Fas erit, & poſitis vultibus ire lues .*

*Quã multos olim faciles meminere Quirites
a 4 Ire*

Ire triumphales Consulibus ante rotas.
 Illicet æstiva contagia tetra diei,
 Damna pruinosa cernere noctis erit,
 Et residues Cœli flammæ, Libræque nocentis
 Crimina, & imbriferi plumbea tela Noti.
 Ille tamen Lycia perplexus Daphnide crinē
 Excipiet plausus Tybur ab axe tuos.
 Sapius ad strepitū, populique à laude gementes
 Cernet Apollineos ire retrorsus equos.
 Sapius & patriæ repetet vestigia terre,
 Et permansuri fornicis æta leget.
 Nō bene marmoreo tua gloria cingitur arcu,
 Quem regit Oebalijs casa columna iugis.
 Nec tua fusilibus satiatur fama metallis,
 Exiguæque suas ære perennat opes:
 Sed tibi per memores æternant secula fastos
 Munera, non ullis diripienda dolis.
 Tale per Oenotrios, & aquosi ad Tybridis or
 Mirum Peonia digeris artis opus. (bem.
 Etiam composito surgit tibi machina textu,
 Et picturato stemmata fulta tholo.
 Cernimus irriguo turgentia marmora cæpo,
 Prataque muscosis asperiora vadis,
 Et iuga Dirceæ dudum placitura colono,
 Et posita artifici mœnia prima manu,
 Saucia mentito modo quæ tenebrescit biatu.
 Fœcundo reparat vulnere damna silex.
 Sic & inexhausta lapides fornace liqueſcūt.
 Putris & in gelido cortice gleba riget.
 Aureus Eois præſudat roribus ær:
 Grataque ab Oeciduo purpurat aura die.

Alla-

*Allapsu pluuiæ cum vix risere salubri ,
 Versicolor dociles arcuat imber aquas .
 Temperat ignitos hinc pensilis vua racemos ,
 Guttaque nectareo sollicitanda lacu .
 Prodigiousa nouo vernant violaria foetu
 Semper, & iniussis spina cruenta rosis .
 Pingua squamosos non hic armeta colubros ,
 Nec timet indigenas rustica turba feras .
 Tuta sed in segetes, & fertile vimen Oliuæ
 Conducit mites obsequiosa manus .
 Cerne, colorato deuexus margine riuus
 Ut viridem innocuo sulfure labit humum .
 Ille metallifero trepidans à fonte, cauernas
 Perforat: & medica voluitur auctus ope .
 Forsitan attactu tenerum depascitur aurum :
 Soluitur & fuluo diues arena gelu .
 Vna tamē docet hæc omnes iustissima tellus ,
 Visceribus parcens officiosa suis . (rum.
 Parce, licet miserum tenebris bene creditur au
 Aurum ni quæras omnia Tybar habes .
 Id GOZADINVS te maximus ore Sacerdos,
 Augustis etiam moribus ille monet .
 Olli nimirum pietas pretiosior auro est ,
 Et nihil innata religione prius . (nos,
 Vna illi hæc primos potuit comes ire per an-
 Cum tener antiquos luderet ante Lares .
 Vna etiam iuuenē spinosum ascendere cliuū
 Impulit è binij calle secuta comes .
 Hinc chorus equalis, virtutū nomina mille,
 Mille viri sensus excoluere Dea .
 Hinc & coccineo radiata modestia fuco :
 Et*

Et quam vestis obit concolor alba Fides :
 Quaeq. repercussa congaudet imagine vitri :
 Quaeq. pharetratas negligit vsq. minas :
 Quaeq. voluptatem, motusq. refrēnat inertes :
 Quaeq. suo quoduis pondere librat opus .
 Felsina, te primum testor: cui luxit ab aui
 Flore puer claros amulus inter auos .
 Vos Roma cineres, vos ò Capitolia, testor ,
 Claustraq. Tarpeijs non bene iūcta iugis.
 O nimis optato felicia tempora cursu ,
 Cum daret Oenotrio iura Latina foro .
 Scilicet hac Caeli consēditur arte cacumen :
 Hac Latios inter purpurat ille patres .
 Hanc te Romulea primum suffectus ab arce
 Pastor, vt edoceat talia iussa monet .
 Parce salutiferis aurū bene conditur antris:
 Aurum ni queras omnia Tybur habes .
 Qualia iussa decent delapsū à sede magistrū
 Aetherea, patrem qualia iussa decent .
 Qualia & agnati monuit Sapientia Neri ,
 Dum subit Æthereas nota per astra vias .
 Dum patriam viuo nouit clarare triumpho
 Dum Tyburtino supplicat vna Ioui .

TYBURTIS

COELI LAUDES

incerti Auctoris.

INcedit algens Anio quæ præceps gradu ,
Amœniori consitum mundi loco ,
O Latia Tempe, Tybur, & clarum iubar ,
Beata tellus, orbis ò felix plaga ,
Cælo sereno spiritum purum trahis .
Baïarum amœnum littus, & Gauri decus ,
Pindi recessus Tyburi musis sacri ,
Odora cedant rura vernanti thymo
Felicis Hyblæ: quidquid immensus sinu
Orbis capaci continet, quidquid mare ,
Vbiq. quidquid optimum, quidquid bonum,
Telluris arces, ambitu Tybur breui :
Semperque amico sydere, & cælo fruens
Auram salubrem carpis: & quando furens
Ardore phœbus incubat terris graui ,
Austerque perflat turbidus mundo nocens ,
Siccaturque latè flumina accensus vapor ;
Cursu perenni fontium dulces aquæ ,
Sylvæ videntes arborum densis comis ,
Semper tuorum collium florens viror
Tibi decorem veris æterni ferunt .
Miraris hospes veris æterni domum ?
Mentis stupores amoue, huic Cælum fauet .

INDEX RERVM

NOTABILIVM,

Quæ in hoc Commentario
continentur.



- E*R inter cetera elementa primario consideratur à Medico. pag. 2
*A*er maximi momenti est in rerum natura. *ibid.*
*A*nimantium nutrimentum triplex. *ibid.*
*A*ere solo, seu spiritu ab Hipp. vocato, posse plures dies anim. vivere. 3
*A*er purus nullum præbet alimentum, cuiusmodi nō est apud nos, sed mixtus. 4
*A*er consideratur à Medico, ut est alimentum corporis humani, & instaurativum spirituum, qui consumuntur. *ibid.*
*A*eris ad vitam necessitas, eiusque considerationis utilitas. *ibid.* & seq.
*A*er potentissima est causa sanitatis, & morborum. 5
*A*er humidus, calidusque deterior est, & quare. *ibid.*
*A*micus, homini utilior est ipsis elementis. 7
*A*eris temperi s bona, vel mala, ex frigore, & calore dignoscitur, ijsque qua inter hæc media sunt. 9
*A*eris propria qualitas est humiditas, & caliditas. 10
*A*er quomodo corrumpitur, & putrescat. 15
*A*eris bonitas unde oriatur, eiusque tranquillitas. 18
*A*er quomodo immutet corpora, eoque conseruet. 19
*A*er salus vite, morborumque auctor. 20
*A*er bonus, quis dicatur. *ibid.*
*A*eris salubritas unde dignoscatur. 23

Aer

Aer materia ventorum est. 28

Anienis amnis satis ampla descriptio. 53. & 54

Anio unde ortum habeat. 67

Aquarum bonitas denotat aeris salubritatem. 65

Aqua commune solatium agris, & sanis. ibid.

Aqua optima qua sit, & quomodo dignoscatur. 66

Anieni nomen b Anio Hetruscorum rage. 68

Anienis aqua potatur ab habitatoribus sine dam-
no. 68

Aquorii aqua, unde dicta, & eius qualitates. 82.
& seq.

Albularum Tyburis virtutes, & qualitates, & quibus
morbis sint salutare. 98. & 100

Aqua pluuiialis electio, & qualitas. 105. & 106

Bonitas Tyberis ab Aniene. & Albulis Tyburti-
nis. 103

Bellariorum Tyburtinorum ortus. 109

Communia nosse minus arduum est, quam pro-
pria, ac particularia. 76

Calumnias negligere ingenui viri est, neque ob illo-
rum metum a re utili desistere. 7

Corpora calida, & humida facile putrescunt. 13

Calculus in renibus unde generatur. 75

Elementorum potitia, ac precipue aeris omnibus
hominibus utilissima est. 1

Elementorum natura consideranda est à Medico, ex
illis enim omnia mixta componuntur. 2

Elementa pura non sunt apta nutritioni. 3

Elementaris aqua esset potu pessima. 87

Febres pestilentes in aere turbida, & humida
fiunt. 5

Frigidum est inimicum ossibus, & nervis, &c. 73

Fontes aquarum ad ortum solis optimi sunt. 79

Fontes, ac putei cur hyeme calidi, æstate frigidi. 86

Fons

Fons S. Angeli illiusque aqua qualitates. 89
Fontes metallici damnantur ad potum. 92
Ferrata Aqua Tyburis quas habeat qualitates. ibid.

H

Hippocrates dixit triplex esse animantium nutrimentum. 2

Hipp. dixit tria esse, qua corpora animantium sustentant. 4

Homo sine alijs elementis vitam trahere potest sine aere vero neque per breuissimum tempus. ibid.

Homini utilior est amicus quam ipsa elementa. 7

Hominum corpora plurimum alterantur ab aere. 19

Homines ubi longiorem vitam trahunt. 29. & 30

I

ITalia commendatur, quia inter summè contraria sita est. 9

L

Lapis, & Lapidicina Tyburtina ubi sit. 168

M

Medicus considerare debet naturam elementorum. 2

Medicus perpendere debet inter cetera elementa precipuè aerem, & quare. ibid.

Medicus considerat aerem precipuè, ut alimentum humani corporis, spirituumque deperditorum instauratum. 4

Medicus studere debet electioni aeris. ibid.

Morbi quomodo ab aere, & quomodo à vitis ratione fiant. 17

Manna Tyburi colligitur. 35

Mellis Magna quantitas Tyburi colligitur. 38

Malorum Punicorum affectus. 32

Medicus debet ponderare qualitates aquarum. 63

N

Nutrimentum animantium triplex, ex Hipp. Cibus, Potus, & spiritus, id est, aer. 2

| | |
|---|-------|
| O lei Tyburis bonitas. | 35 |
| Olei oprimi affectus. | ibid. |
| Oleum aeris vicem gerit sicuti Sal ignis. | 36 |
| Oenanthinum vinum quale fuerit Antiquis. | 63 |

P

| | |
|---|---|
| P essum ab humidiori calidiorique aere ortum habere. | 5 |
|---|---|

R

| | |
|--|----|
| R oma posita est in medio Italia. | 9 |
| Roma cur morbi per multi articulares, ac di- | |
| stillationes. | 27 |
| Raspatorium conficiendi modus. | 59 |
| Raspatorium fuerit in usu apud Antiquos. | 62 |
| Reuelleria aqua Tyburis melior Aniene. | 82 |

S

| | |
|---|----|
| S tirax habetur Tyburi ex arbore simili malo Coto- | |
| neo. | 34 |
| Salis effectus qui sint. | 42 |
| Sanis omnis aqua potui idonea est. | 95 |
| Sulfureæ aqua descriptio, & eius usus. | 96 |

T

| | |
|---|----------|
| T ybertini incola maximi sunt animi vigoris. | 3 |
| Tybertini fossoris historia, qui plures dies vixit | |
| sine potu, & cibo. | ibid. |
| Tybur antiquissimum. | 8 |
| Tybur eodem sub climate quo Roma. | 9 |
| Tybur ventis est maximè obnoxium. | 10 |
| Tyburi Autumnus parum dissimilis est hyemi. | 11 |
| Tyburi æstas, veri sit similis. | ibid. |
| Tyburi homines quare à putribus febribus sint satis | |
| alieni. | 16 |
| Tyburi aer semper est varius. | 12. & 13 |
| Tyburis aer frigidus, & siccus est. | 26 |
| Tyburi capitis vulnera cur sint lethalia. | ibid. |
| Tyburis aeris salubritatem, quam plurima Villa Im- | |
| peratorum, ac aliorum testantur. | 32 |
| Tyburi varia optimarum simplicium genera nascun- | |
| tur. | |

| | |
|--|----------|
| <i>tyr.</i> | 34 |
| <i>Trutearum piscium quibus Anio abundat excellen-</i> | |
| <i>tia.</i> | 42 |
| <i>Tyburii praeipui modi conficiendi vina.</i> | 49 |
| <i>Tyburis situs descriptio.</i> | 53. & 54 |

V

| | |
|--|----|
| V enti vim magnam habent in efficiendo bono. | |
| vel malo aere. | 10 |
| Venti quid sint. | 28 |
| Venti qui faciant bonum, & qui malum aerem. | 29 |
| Vinarum copia Tyburi diuersarum. | 39 |
| Vua dicta, Pergolese non est boni nutrimenti, nec ali- | |
| bi ita fructifera est sicut Tyburi. | 40 |
| Vinum dixit Plinius Terra Sanguinem. | 44 |
| Vinorum multiplex differentia. | 46 |
| Vinum Tyburis inter optima vina numeratur à Gal. | |
| pag. | 47 |
| Vinum dictum Ritornato, quomodo fiat. | 59 |
| Vina Tyburis quatuor, & quinque annis facile con- | |
| seruator. | 55 |
| Vinorum ex vario colore dignoscenda esset varia co- | |
| tum mutatio. | 56 |

F I N I S.

34
42
49
54
no.
10
28
29
39
ali
40
44
46
al.
47
50
na
55
co
56






THOMÆ DE NERIS TYBVRTINI.

DE TYBVRTINI AERIS SALVBRITATE.

Commentarius.

Quomodo Aer consideretur à Medico.

Cap. I.

OST varias, ac ægregias,
inter primates, antiquosq;
Philosophos de rerum pri-
mordijs, vocatis Elemen-
tis, dilceptiones. Quatuor prima illa,
esse corpora, ex quibus cuncta hæc infe-
riora, & sublunaria, componantur, statu-
rum, determinatumq; esse inficiabitur
nemo, & illa statutis nominibus à quali-
tatibus eorum vocare, Antiquiores con-
sueuere. Ignem, Aerem, Aquam, & Ter-
ram. Quorum natura à Medico, Philoso-
pho, est diligentissimè consideranda; at-

A

que

que examinanda. Cum ex istis omnia mixta conflentur; sicuti verissimis rationibus probavit. Aristot. lib. 1. de Generat. & corrupt. tex. 16. & 1. de Partibus Animalium. Immò & quamlibet elementorum naturam separatam, & seiunctam inter se ponderare, disquirereq; debet Medicus, vt adnotauit Fernel. lib. 2. de Naturali parte Medicinæ cap. 4. At cum Aer primum locum ab Igne obtinuerit; Arist. tex. lib. 4. de Cœlo 36. Sitq; vnum ex quatuor elementis maximi momenti; ideo per se primario erit perpendendus, considerandusq; quam notitiam apprimè necessariam esse, non solum Medicis, verum etiam omnibus hominibus vtillimam, experientia sæpè docuit, cum nihil sit in ipsa rerum natura, tanti momēti, quam Aer, quem velimus, nolimus, assiduè inspiramus; quò cuncta animantia ex parte nutriuntur. Quandoque enim Hipp. lib. de flatibus dicebat. Triplex esse animantium nutrimentum, Cibus, Potum, & spiritum. Sed spiritus iste, nil aliud est; quam aer inspiratus, vapor sanguinis admixtus; vt notauit Gal. lib.

lib. 11. Meth. cap. 3. Qui cum oriatur, à corde texte eodem de vtilitate respirat: alimentum censetur, ab Hipp. lib. de Alimento circa finem, ac propterea significauit, lib. de flatibus. solo spiritu, plures dies animal viuere posse, ad quod corroborandum innumere adsunt historiæ, tam in sacris, quàm in profanis litteris, sed vnâ tantû, quæ Tyburi anno 1583. contigit enarrabo. Ex qua Aeris bonæ temperies elucescet. Fossor quidam Tyburtinus, dum subterraneum aquæ ductum effoderet, repentino terræ hiatu, quem copia imbrium effecerat, ruente terra, viuus sepultus est. Sed tantus in eo fuit animi vigor, (vti proprium est habitantium istius Aeris) vt manibus, pedibus, capite, dorsoq; circum iacentem, terram escauauerit, & die tandem septimo, ab illa atroci, & inopinata sepultura, sine vlllo cibo, & potu sumpto, incolumis emerferit: ex qua historia, & casu videtur destrui problema illud. Arist. 13. sect. 1. in quo asserit. Aerem nullum præbere alimentum; sed obiter respondetur, cum nulla elementa pura sint, apta nutritio-

ni; de quibus locutus est Arist. cum mixta omnia sint apud nos, & componantur; ex quatuor elementis, coniunctim, seu potius, ex ipsorum qualitatibus, vt Arist. lib. 2. de generat. & interit. ex Platonis sententia docuit. Consideratur in primis Aer, à medico. Quatenus est alimentum corporis humani, quoniam ex ipso instaurantur spiritus, qui consumpti sunt, vt Gal. 7. de usu partium; & lib. de vtilitate respirationis, necnon Fernel. lib. 1. de diff. Morb. cap. 13. probauit, quam sententiam mutuatus est ab Hipp. effusum nobis aerem, sanguine præditorum animantium, natiuo calori, & spiritui, tum conueniens, pabulum, tum refrigerationem præstare, at propterea idē Hipp. tria esse dixit, quæ corpora, hominum, & animalium cunctorum sustentât: spiritum, ventum & Aerem.

Sed, quemadmodum alia elementa, à Medico, Philosopho perpenduntur, ita Aer. cum corpus humanum, per aliquod temporis spatium, sine alijs tribus elementis, vitam trahere possit, sine Aere vero ne minimum quidem horæ quadrātem

tem, vt ex Hipp. & Fernelij auctoritate
dicebatur. Longe vtilior ergo est; aeris
quam aliorum elementorum considera-
tio: Ac propterea studere debet Medi-
cus aeris electioni; quoniam est causa
potentissima sanitatis, & morborū, tam
qui sunt Patrij, quos Græci *ἐνδημοί* quā
aduentij, quos *ἐπιδημοί* appellāt, & sic cō-
sideratur, ab Hipp. in lib. de Aere, Aquis,
& Locis. sagacissimus itaque debet esse
medicus, ad cognoscendam Aeris, & Lo-
corum atque Ciuitatum naturam, in
quibus malus, vel bonus sit aer; cum gra-
uitas aeris sit efficacissima causa, mor-
borum vulgariū asserente ipsoniet Hipp.
variis in locis, vti in lib. de Natura hu-
mana, & Galen. in com. 1. de Morb. vulg.
quibus astipulatur Auic. 1. quarti tract.
pariter quarto cap. 1. dum febres pestilē-
tes, ab aere turbido, & humido fieri di-
xit, Auezoar. lib. 3. tract. tertio, à calidio-
ri humidioriq; aere pestem ortum habe-
re asseruit: vnde protulit; quod dete-
rior aer est calidus, & humidus, & qui ad
recipiendas corruptiones, ac putredines
aptior est, quā si alias possideret qua-

litates, quod antea cognouerat Hipp. 2. de morbis vulg. initio. His præmissis de Aere in communi. Modo meę partes, esse videntur aliquid breuiter de Aere Tyburtino scribere, vt voluntati meę, & amicorum satisfaciam ; quamuis magnam suscepisse prouinciam mihi videatur, cum nemo hætenus, quoad sciam, de proprio Tyburis aere, ac situ scripsisse reperiatur, cum arduum minus sit, communia nosse, quam particularia, ac propria; ita vt quod facilius est, ab antiquis scriptum inuenitur, quod autem difficilius nobis relinquitur. De qua re nemo Medicus differere potuerit, nisi Astro- rum ortum, & occasum, eorum scilicet quæ in Aere, & hominibus mutationes magnas, & ingentes efficere solent; vti Caniculæ, Arcturi, Vergiliarum, tum etiã Aequinoctiorum, & Solstitiorum, statuta tempora penitus considerauerit. Aeris nos ambientis statum, mutationes, tempestates, Aquarum vim, locorumq. in quibus morbi populariter grassantur; naturam, omnem situm, peculiare ventos incolarumq. victum, exactè pernouerit.

Quæ

Quæ omnia à me breuiter in suis proprijs capitulis erunt examinanda: ex quibus deducemus; Aerem Tyburtinæ Ciuitatis, vel esse infalubrem, vel salubrem, & quamuis certo sciam, quod non deerunt maleuoli, qui me carpent, sed scito velim, id in gratiam amicorum non maleuolorum scribere proposuerim; hoc tamen illis sit notum, magis dignum esse, viro ingenuo calumnias negligere, quàm à re vtili ob illorum metum desistere; vt ad Archytam scripsit Plato, non sibi soli se natum homo meminerit; sed Patriæ, sed suis, vt Cicer. 2. de Finibus, vulgatum est, neque solem, neque aerem, neque aquam, neque ignem, magis vtilem esse hominibus, quam amicos. Sed demum ingenij philosophici est (quemadmodum periti medici ex bestijs, ac serpentibus noxis, vtilia quædam remedia colligunt) ita ex inimicorum odio, aliquid decerpere, quod vertatur in patriæ bonum; conabor extrahere.

*De Tyburis situ, & Cæli Clymate.**Cap. II.*

Singulorum locorum, situm, & naturam cognoscendam esse; Secundo de victus ratione adnotauit Hipp. & alijs in locis. Ciuitatē, enim Tyburtinā, in primis, scire est, esse antiquissimā, vt testatur Plinius, necnon etiam Horatius Flaccus Poeta, lib. 2. Ode 6. inquit *Tybur, Argeo, positum colono*. istam Ciuitatem, longē antiquiorem esse ipsa Roma, ex ipsorum conditoribus constat, vt recenset Solinus cap. 8. & circiter annos 432. ædificatam, priusquam Roma esset, id insuper testatur Artimandes de Mundi Cronologia; & sub alio appellabatur nomine, Siculetum, teste Plinio, distans decem, & septem milliaria ab Vrbe, ideo paruum, aut nullam differentiam recipit, circa clyma Romanum, vt Astrologi censent, nā ea sub clymate quinto ab æquinoctiali circulo sumpto dimentionis initio sita est, & 42. gradibus ab æquinoctiali, versus Arcturum distat, vt perbel-

le

le Marfilius Cagnatus præceptor meus, vir nunquam fatis laudatus, demonstrationem affert; in suo de aeris Romani comentario, in quo afferit, atq. demonstrat. Romam esse in medio Italiæ, ut Strabo lib. 6. nec non etiam Victrurius, lib. 6. cap. 1. hoc affirmarunt, Romam videlicet, in medio Italiæ positā esse. Ideoque bonam, vel malam aeris temperiem, dignosci ex frigore, & calore; & ijs quæ inter hæc media sunt. Idcirco Italiam commendant, quoniam inter summè contraria media est; cum hæc inquam Strabo dixerit paradoxum non erit, si nos de Tybure dicemus; cum parum ab Vrbe distet quæ est medium Italiæ, si Cagnato credimus, & Vitruvio, igitur Tyburtina ciuitas, nullam recipere circa clyma differentiam videtur, nisi quod in monte posita est, ad occidentalem aspectum, usque ad Thyrenum mare sine montibus; sed planities iucundissima, ab oriente est cooperta montibus, nec non etiam à meridie & septentrione; quamuis non ita sit cooperta, quemadmodum est ab oriente: quæ ab illis montibus, qui Alpes vocantur,

tur,

tur (totam penè Italianam circumdantes) est etiam, & ista Ciuitas ab oriente circumdata; per mediam fere ciuitatem, Anio fluuius limpidissimus, frigidissimusq; rapit. Omnes ferè venti, in istam Ciuitatem perflant, instar rapidissimarum aquarum per angustum canalem irruentium; vt flaccus Poeta lib. 1. epist. 8. *Romæ Tybur amem ventosus : Tybure Romam*. sed præ cæteris potentissimus est Boreas. Ideo frigidam, & siccam reddit ciuitatem, & ipsius aerem, cum insita, ac propria qualitas aeris sit caliditas, & humiditas; auctore Arist. 2. de generat. & corrupt. tex. 16. Qua de re, cum vèti sint potissimum causa, boni, vel mali aeris, vt habetur apud Hipp. multis in locis, sed præcipuè in lib. de aere: aquis, & locis. Id. circò cum venti boreales, maximè in ista Ciuitate inflent, faciunt constitutionem aeris frigidam, & siccam. Sed magis frigidam, quam siccam: Cum frigidus, & ficcus sit boreas, omnesq; corporis consumat superfluitates: Gal. com. 17. Aph. tertia sect. tertiæ. Ideo hyemis tempore, intensum mane, & vesperi, percipitur frigus;

frigus; in meridie vero, cum ciuitas **ex-**
posita sit radijs solaribus, & illorum **re-**
flexum ex montibus recipiat, satis **tem-**
peratus est aer. Nox autem **frigidissima**
est; Autumnus similis est hyemi, vel **pa-**
rum dissimilis. Aestas non est admodum
calida; cum fere semper Aetesiæ spirent;
reddantq; aerem quoq; pacto **frigidio-**
rem, alioquin in meridie maximus, **perci-**
peretur calor, vti percipitur quando non
spirant; qua de re aestas semper est **veri-**
similis. quod temperatissimum est:
Obijciat fortasse mihi aliquis, Aetesias
esse ventos, solummodo Græciæ ori **pe-**
culiares, & flare post canis ortum. Si
quidem patet à septentrionibus **exor-**
tas esse, non veluti Aquilones, ab vr-
sa versus meridiem deferri. Cum
nimirum ab vrsa (Quod lib. 2. Meteol.
docuit Arist.) recta ad occasum, & rursus
ab occasu ad orientem cursus dirigant.
Quare ætesiarum flatus non est à Septen-
trione in meridiem; quinimo postquam
à septentrione in occasum **diferū**tur, non
ultra versus meridiem extenduntur: Sed
ab occasu vna cum fauonijs in orientem
con-

conuersæ, totam terræ latitudinem complent. Si quis vero ex eo ætesias ventos Græciæ solius peculiare putet. (Quod ab Hipp. in lib. Epid. sæpius veluti insignæ salubritatis futurę indicium adnotatum est ætesias maximè per æstatem spirantes;) Is lōge falli videtur, cum non modo Græciam, atque Italiam, sed Asiā, & Africam perflare hos vĕtos constat, & ista sint obiter dicta; Redeo ad rem vnde discessi Quamuis variæ frigoris mutationes in isto aere; in dies obseruenrur, nil tamen noxium habitatoribus afferri videtur, cum ex obseruationibus Ioannis Vincentij Columnæ Physici Tyburtini auunculi mei, per multos annos factis, dum in Tyburtino cœlo magno, cum honore medicinam faciebat, mihi notum sit, necnon etiam Andreæ Bacci viri nostro æuo, eruditissimi, qui quandoq; Tyburi medicinalia præscribebat præcepta; Quod enim vlterius experiētia quotidiana comprobatur. Cum visum sit, superioribus annis, per oppida & ciuitates conuicinas, febres putridas, & malignas grassari; Tyburi autem non solum, non
ad-

adfuere, febres mali moris, sed potius salubriores; quæ cito, & tute terminabantur, quod etiam fuit per multos annos, ab alijs medicis obseruatum, præter quam, quod. Anno 1591. & anno sequenti, quibus annis; quidam morbus epidemicus, ita in tota pene Italia vagabatur, vt innumeras gentes, e medio tolleret, atque deleret. Tyburi autem minus mali fecit. quam alijs conuicinis locis. Cum aer Tyburis, non sit, semper eiusdem, qualitatis vt videre sit. Aer enim prorsus immobilis ratione prauæ qualitatis, inimicus est, viuentibus corporibus, ad sanitatemque tuendam. at cum omnia corpora calida, & humida, facile putrescere possint, scilicet si in locis calidis sita sint, Gal. vero de Tumoribus præter naturam cap. 2. Auicenna lib. 1. fen. 2. doctrina quarta: *Humida, & calida aeris, complexio, dignior est, vt conuertatur, ad putrefactionem*: quod non accidit cælo Tyburtino, cum contrariam habeat qualitatem; & ciuitas sita sit in monte. vt videbimus. immo loco eodem citato Auicenna. Mutationes (ait) aeris plurimum

num accidere, in locis diuersorum situſi,
& profunditatibus vallium. ſed in altiſ
pauca exiſtunt, & multo purior eſt aer
montium, aere conuallium, & planicierũ.
At ſi morbus ille qui elapſis annis ſerpe-
bat, ex aere originem duxiſſet, vt opti-
mè à doctiſſimo Cagnato, ſcriptis tradi-
tum eſt, in lib. inſcriptis, *Romana Epide-
mia*, adiuncta ſemper tamen fuit mala
ciborum natura; Et ſi hæc nõ fuiſſet pro-
pria, & principalis cauſa, ſed ipſemet aer
coinquinatus; vbi diligenter eſt animad-
uertendum; Peſtem aliquando viguiſſe,
ex aeris quidem putredine, ſed non ipſa
aeris ſubſtantia putruit vnquam, ipſius
certè qualitates, aliquando alicubi pu-
truerunt. Nam quæ putreſcunt, ſuper-
fluam qualitatem habere neceſſarium
eſt. quare cum humiditatem in ſummo
poſſideat aer, vt 2. de Generat. tex. 23.
habetq; in primarum qualitatum parti-
tione putreſcere poſſe non videtur, cum
quæ putreſcunt, caliditate extranea, &
humiditate ſuperflua putreſcere debeāt,
vt 4. Metheol. notatum fuit. Idcirco cum
maiorem habere non poſſit humiditatem
ipſe-

psemet aer, (nam tunc ipsam in summo
ō haberet) putredini obnoxius nullo pa
to esse videtur, & hoc est illud, Aristot.
est. 25. Poble. 20. Neque ignem, neque
erem vnquam putrescere posse; quod si
liquādo aer ipse putruisset, Cunctarum
nimantium genus interiisset. Quippè
corruptio, seu putrefactio, est passio re-
um compositarum Arist. 4. Metheol. sed
er est corpus simplex, & elementum;
ergo non videtur posse putrescere. Cui
obiectioni breuiter respondetur. Quod
er dupliciter à Medicis, & Philosophis
onsideratur, vel vt corpus purum, & sim-
ex, vel, vt mixtum, & impurum, qualis
t aer nos ambiens. ille enim non cor-
mpitur, cum non ambiat nos; iste au-
m dico, quod corruptioni subiacet, &
trefcit secundum eius accidentia. Aer
im corrumpitur, quia ipsi aliqua hu-
ditas permiscetur superflua, & hæc hu-
ditas aeris, duabus modis dicitur su-
rflua; in primis, quia ei non competit;
m non sit elaborata, & subtilis; id est
materia pura, simplici; fundata, vt ex
a purum, simplexq; elementum fieri
possit,

possit . vnde posito, quod non addat, aliquid in gradu humiditatis , addit tamen in gradu corporeitatis ; quia densioris corporis efficitur . Secundo modo dicitur superflua ; quia per putredinem acquisitam, maiorem gradum humiditatis retinet: nam humiditas; quæ dicitur, esse in summo, in aere; est humiditas naturalis, dicta autem est innaturalis . Vnde humiditate , non naturali excedere naturalem , dicimus , & hæc de aeris corruptione, de qua fusius Auicen. lib. 1. fen. 2. cap. 9. & Gal. sæpius , & quamuis victus etiam possit esse potentissima causa , quod diutius ille morbus contagiosus durasset, ex quo homines, tunc temporis nutriebantur . Cum vniuersalis caritas in tota pene Italia esset : Nam vbi præinopia homines coguntur ædere herbas, radices, legumina, redduntur, prompti febribus contagiosis , vt refert Gal. lib. 1. de cibis boni, vel mali succi . Sed cum Tyburtini coloni, in sereno frigido, lucido, sicco aere; vitam trahant, non in turbido , humido , qui est potentissima causa febrium pestilentium, vt ex Auicen.

loco

loco sæpius in præcedenti capite citato docuimus , & cum optimis etiam cibis semper vescantur, vt Infra dicemus, non ita facilè à morbis contagiosis , & mali moris affliguntur ; quemadmodū in alijs ciuitatibus, & aere illarū, quæ non habēt has celi dotes, in quibus locis, forsan cibaria sunt flaccida , & parum apta bonæ nutritioni. Ex dictis satis cōstat, cū Hipp. quoque sententia vitiosum aerem inspiratum corporiq; commixtum popularis morbi causam esse, atque non solum huius, sed & alterius, qui ex deprauato victu prouenit ; vt Gal. coment. in lib. I. de Morb. Morbos dicit , vel fieri ab aere ambiente, vel ab aqua, vel ab aliqua alia communi causa; & ij in Græcis vocantur *ἰσχυρία* , vel à victus ratione, ij *σποράδες*, idest dispersi , quod tamen difficulratem in se maximam habet . Nam id pugna- re videtur, cum eo , quod ab ipsomet dictum est, lib. de natura humana , cū alios morbos à victus ratione , alios à spiritu quem attrahimus prouenire affirmavit ; nisi quis dicat illorum morborum , qui à deprauato victu fiūt, ita aerē causam ef-

B se,

ſe, non vt effectricē morborum cauſā, vt dicebam ſuperius, Sed effectrix cauſa, eſt deprauatus victus, non aer vitioſus, qui eſt cauſa nempe morbos fouens, & veluti amplificans; nam ſi ex vna deprauata victus ratione, vitioſus aer in corpus ſeſe inſinuauerit, multo grauiores, & deteriores morbi erunt qui vagabuntur, quam è contra, & hæc pauca de ſitu, & aeris qualitate, in ſequentibus vero aliqua, vti occaſio ſeſe præbuerit dicentur.

De ſalubritate Aeris Tyburis.

Cap. I I I.

Aeris tranquillitatem, ac bonitatem fieri, aut à frigore qui exhalationem extinguat, aut ab æſtu, qui eam conſumat; refert Ariſt. 2. Metheol. quod proprium in Tyburtino aere accidere videtur, cum venti Boreales ſpirent, qui ſua natura frigidi ſunt, & per loca frigida pertranſeant, & flare incipiant à polis mundi, eſtque expreſſa Hipp. ſententiā, lib. de aere locis, &c. vbi ait, *homines qui*

qui

qui regiones illas incolunt , quæ ventis
 frigidis, & borealibus præsertim sunt ex-
 posita , robusti , sani , & bene valentès
 erunt. sed vbi venti frigidi spirât, ibi sunt
 huiusmodi homines, ergo per consequens
 optimus esse debet aer; aer enim nos am-
 biēs, naturas nostras assiduè mutat, sicu-
 ti dicebat Orib.lib.6. cap.23. Paul.lib.2.
 cap.34. Gal.lib.10. Method.cap.8.

Ceterum cum aer elementum quod-
 dam sit, quod hominum corpora ambit,
 locus ipsorum est, quare ea conseruare
 debet, id autem duobus modis facit, vi-
 delicet corpora cum suis qualitatibus fo-
 uet , & cum respiratione innatum eorum
 calorem ventilat , & auget ; illumque à
 fuliginosis, excrementis expurgat, ac spi-
 ritus qui continuo consumuntur instau-
 rat, vti in lib.de vsu respirationis Galen.
 docet. hos autem omnes vsus , purus aer
 optimè præstat, vt primo de san. tuenda ,
 & Orib.lib.1. sympto.cap.24. testatur, im-
 mo Fernel. disertissimis verbis lib.1. de
 diff.morb.cap.13. conatur demonstrare .
 Tanta quidem vis est aeris , per cuncta
 rerum meatelis . huius autem quam cetero-

terorum vis maior, & efficacior ad morbos infligendos est, imo plures temporū, tēpestatumq; mutationes, aut ex salubri loco in grauem transitus, aut exorta intemperies, à quibusvis aeris inquinamentis, magis ab hoc regūtur quam victus ratione Aeris deniq; tanta vis est, vt salus vitæ, atque morborum auctor censeatur. Hipp. vero lib. de flatibus testatus fuit, solo aere inspirato, plures dies sine cibo, & potu quempiam viuere posse; vti nos ex allata Tyburtina historia, superius dicebamus, licet Arist. sect. 1. Probl. 13. contrarium velit; sed de hac re longè disputat. Marsilius Cagnātus lib. 1. de sanitat. tuenda, cap. 3. Illum aerem denique purum, ac bonum voco, cui vapores crassi, turbidi, caliginosi, putridi, vel pestilentes admixti non sunt. Nam si vapores clari tenues, ficci, ac bene olentes, aeri admixti fuerint, ipse quoque purus dicetur, & hæc est doctrina Hippocratis, necnon etiam, Fernelij lib. 1. de diff. morb. c. cit. Aer enim crassus, durus, caliginosus, & aliena permixtione inquinatus, spiritus obscurat. Sed vbi venti spirant boreales

les , vapores tetri , & caliginosi esse non possunt,vt Hipp. 2. de ratione victus asserit : omnes ventos vim habere refrigerandi,& humectandi, non solum corpora animantium,verum etiã omnia, quæ extra terram fiunt,quod hac ratione probatur, omnes venti fiunt ex niue, glacie, cristallos, lacubus, paludibus, fluuijs, terra humectata ; quæ omnia sunt corpora frigida,& humida;ventus igitur ex materia frigida fit.Quare necesse est ventos,quoque frigidos,& humidos esse. Ideoq; frigefacere,& humectare . Aliqui veterum, vt Homerus,& alij. Quatuor tantum ponebant ventos . Notum, Boreã, Zephyrũ, Eurumq. qui etiam Subsolanus vocatur. Hipp. duorum tantum meminit, Noti, & Boreæ. Sed non est inferendum simpliciter duos tantum statuuisse ventos, cum in Epidemijs meminerit etiam Zephyris,& aliorum de quibus tu ibi . Porro Auster. Latinis, *νότος* græcis vocatur , quia fere nebulosus, & humidus est , auctore Gelio , vnde qui de hoc vento scripserunt , omnes esse humidum , & calidum existimarunt : sed Gal. teste duplex est, medi-

cis Aufter, vnus simpliciter dictus, qui calidus est, & humidus, nebulofus, pluuius, aliquando mollis, & aliquando vehemēs, alter de quo Hipp. in Epid. qui dicitur Leuconotus, ficcus, quia purum facit cœlum; fere fine pluuijs est, vnde Arist. in problematibus, *ἁλιδέας* vocat, non quod villo modo fit humidus; sed quia minus habet humidi, quam ficcitatis, & præterquam quod ficcus est, aliquando etiā frigidus, vt 1. Epid. verum in huiusmodi Austris, sicut, & in alijs ventis, non solum considerata illorum natura est. Sed etiam quomodo se habeant ad regionem in qua aliquis vitam agit; & hac in re lectorem monitum vellem; vt si altius Vētorum vires intelligere cupiat, Philosophos adeat, præsertim Arist. 2. Metheol. Teoph. in lib. de ventis, Senec. in quæst. natural. & Hipp. in lib. de victus ratio: 2. nam vis mei sermonis non fuit munus agere de ventis: sed hoc volui tantum, significare, vt pernoscat etiam ventos corpora animantium mutare posse; vti & aerem, qui medio suarum qualitatū hoc præstat. Sed quantā ratione aeris cuius

cuius ciuitatis exactius salubritas cognoscetur. Ex ijs vero quę possunt colligi ab Hipp. lib. de aere locis, & c. Primo à situ eius loci, vbi ciuitas sita est; at ciuitas Tyburtina (vt notat Columella, & nos superius, vbi de situ) posita est in celso colle, adeo vt vapores, & fumi, qui è terra, inferiori attolluntur, antequam ad illam perueniant; resoluti, vel saltem attenuati, & clarificati sunt. Secundo quia venti in Tyburtina Ciuitate non extinguuntur, Sed optimum, aptumq; ab vtraq; parte transitum habent; nec nubes continuo præfunt, cum frugibus, herbis, oliuis, arboribus odoriferis, vt Stirace coelum illud abundundet; Tertio à lacubus, paludibus, stagnis, antris, specubus, à quibus putridi, ac nebulosi fumi exhalant; ciuitas est remota; quamuis versus occidentem, tria millia passum ab ipsa ciuitate, aliqui parui lacus sint; ex quibus nunquam putridi flatus ascendunt, cum illorum aqua bonæ quoque pacto sint, & non prauæ, in quo etiam loco, videlicet in planitie amœnissima, oritur aqua Albula, vel Sulphurea vocata, ex qua cū

venti occidentales spirent ; aliqui vapores sulphurei , ad ciuitatem ascendunt , qui potius à malis inquinamentis aerem purgarent , si opus esset , quam malam vllam qualitatem relinquerent , cum paruo temporis spatio , dicti vapores morerentur , cum optimam ex vtramq; ciuitatis parte habeant expirationem ; adde hos sulphureos vapores calidos , ficos ex sui natura esse , vt dicetur ; nam constat experientia bonos effectus parere ; vti-que etiam memoriæ prodidit Galen. 9. simpl. medicamentorum . Quarto cum Ciuitas Tyburtina sita , atque fundata sit super lapidem , & regio , & eius territorium pene totum sit lapideum ; (vti de marboribus Tyburtinis variæ apud antiquos Architectos extant memoriæ , & nunc etiam Romani , sicuti quoque antiqui illi Imperatores , & viri Cōsulares ad suos vsus hunc lapidem ex Tyburtino agro Romam conducebant ,) vt videre est basis illius , & optime notat Rasis tract. 3. cap. 26. sicca igitur erit istius ciuitatis aeris constitutio . Qua propter cum aliquis locus est expositus , & discoopertus

vento-

ventorum exufflationibus , & insufflent
super eum venti occidentales , efficitur
quidem aer eius crassus , frigidus , & hu-
midus . Sed si inflant super eum venti o-
rientales, vel boreales, aer eius erit subtri-
lis , scilicet calidus , & siccus , quæ est
doctr. Auero. 1. partis 1. tract. super Aui-
cen. canticam: qua de re, cum nostra Ci-
uitas Tyburtina sita sit, pars scilicet ma-
ior in monte, & alia pars in colle, vbi ven-
ti boreales, (quos præ omnibus saluber-
rimos vocat Hipp. de morbo sacro) spi-
rant potissimum, & cum horum vëtorum
natura sit frigida & sicca ; vt est Aetij
quoque sententia lib. 3. cap. 163. & ra-
tio videtur esse in promptu, cum flare in-
cipiant à polis mundi, locisq. Sole remo-
tis, & per consequens frigidissimis, vt se-
cūdo Metheol. Arist. c. 1. docuit, quod cla-
rius Auero. loco cit. superius testatur his
verbis *si fuerint montes à parte meridiei
protegentes villam à ventis australibus ;
erit quidē illa villa frigida, ratione exuf-
flationis venti septentrionalis factæ su-
per eam ; ventus enim septentionalis fri-
gidus, & siccus est. at cum ista ciuitas ha-*
beat

beat, montes, ab oriente, & meridie, consequenter erit frigidus & siccus eius aer. Sed magis ad frigiditatem, quam ad siccitatem proclivis, ob istas igitur rationes, & auctoritates, necnon etiam ex ventorum insufflatione statuendum est, aerem Tyburtinum esse frigidum & siccum, sed magis frigidum, quam siccum, & hoc non solum rationibus adductis superius consonum esse videtur; sed ipsa etiam, magistra experientia nos clarius demonstrare sat potest. Cum videamus in hac Ciuitate vulnera capitis esse maximè pernicioſa & lætalia, cum aliorum locorum vti Romæ, omnino saluberrima videantur. Qua igitur de causa, in aere Tyburtino lætalia esse? ob aeris ipsius siccitatem, & frigiditatem censeo, quod consonum est dictis Gal. 3. Meth. cap. 8. & 4. de uictus in acutis, optimamq. rationem reddit Arist. 14. sect. proble. cuius ad amussim verba, recensere non erit ab re. *Cur (ait) locis palustribus, vulnera capitis curari celeriter possunt, crurum autem tarde. An, quod sit grauis, quia terreus est, omne autem graue tendit deorsum*

sum

sum ; ergo vulnera superiora concoctioni sunt oportuniora ; quoniam humor delapsus ad ima est, inferiora autem ipsa multo excremento putrefactusq. facile redundant: hic Arist. Quin etiam quod frigida & ficca Aeris Tyburtini constitutio sit, colligere ulterius est nobis, ex Auicennæ & Auero. auctoritate asserentium frigiditatem, & siccitatem in aere appropinquante alicui villæ, cuius terra vel locus saxosus, vel falsus sit. Quæ omnia Tyburtino aeri competere videntur, cum locus saxosus valde, non falsus, sed sulfureus, vtpotè sit, addi etiam, & aliæ bonæ qualitates possunt, videlicet spiritus illustrare, humores superuacaneos absumere, vtilis uero à putredine tueri; corpora dura, solida fortia efficere, & articulos corroborare, quippe cum per pauci in isto aere, ac Ciuitate homines sint, qui tententur morbis articularibus, & distillationibus sint obnoxij, quemadmodum in aere Romano, magis magisq. in dies uidetur. At generatim de aeris mutatione & mansione ad morbos procreandos, hunc, vim maxmā habere dictū est hoc loco satis.

Sed

Sed tamen speciali petito exēplo confirmatur, uentorū flatibus, à quibus magna ex parte aeris constitutio dependet. Ventus enim nil aliud est, quam motus aeris, qui diuersam sortitur naturam, ac qualitatem, pro varijs regionibus, & locis unde spirat, ad quod corroborandum adhærent uariæ Antiquorum sententiæ, scilicet Anaximandri, *uentum aeris fluxionem esse*, dixit, *motis in eo à Sole, aut colliquatis humidis, atque tenuissimis partibus*. Stoici uero *aeris fluxum*, & nomina mutare, propter locorum mutationem, & Metrodorus, *Ventum esse aquæ exhalationis incendium à Sole factum*, & noster Hipp. in lib. de flatibus. *Ventum esse aeris fluxum, et undam affirmavit*, id quod etiam Theoph. uisum fuit, ut uidere est in lib. de uentis. Aerem, itaque communem esse uentorum materiam, statuendum erit, at dum aer calefactus, subtiliatus, & rarefactus est, fit uetus, dum uero frigefactus, & condensatus fit pluuia. Cum igitur aer diuersis, immo cōtrarijs qualitatibus est affectus, fit modo uentus, modo pluuia, concludendum

dendum denique videtur cum Hipp. lib. de aere, aquis, & locis; illam ciuitatem salubriorem esse, quæ ventis patet, & Fernelius disertissimis verbis, *trāquillus aer nulla ventorum vi impulsus, quamquam mitis, ac lenis appareat, nisi tamen tempestate huc illuc iactetur, quiete, & stagnantis aquæ more corrumpitur; ventus vero saluber præsertim Boreas insperta aeris inquinamenta purgat*; quæ prima Fernelij verba in Tyburtinum aerem, ac Ciuitatem, non cadunt, cū à ventis quotidix tam Borealibus, necnō etiam alijs, Aer istius loci ventiletur, qui venti cum saluberrimi sint, saluberrimum in illo loco vbi spirāt aerem efficiūt, estque etiam illud Hipp; 3. Aph. notandum, quod constitutio sicca salubrior est, cæteris constitutionibus, at cum in isto aere, huiusmodi constitutio præualeat ergo salubrior aer censendus erit.

Sed vnum remanet problema, inter ea quæ diximus discutiendum necessarium; videlicet, vbi nam, magis homines viuant in frigido, & sicco aere; an in calido, & humido? & vt libere, quid

quid sentiam , dicam cum Hippocrat.
(quamuis hæc disputatio multum requireret otium) qui in lib.de aere, & c. verisimile dixit homines , qui regiones incolunt quæ ventis frigidis , & siccis patent esse longioris vitæ,quam alios, & si hæ regiones frigidae sint ; quoniam hoc per accidens euenit , quod calor à coeli frigiditate , ad internas hominum sedes impellitur;& in vnum cohit , quare validior fit, nec congelari , aut extingui potest ; quoniam multus est; nec multa excrementa generare potest; quia cum multus sit,multum quoque consumit , & illa excrementa quæ ipse gignit;hi venti frigidi, & sicci exiccant , & ab hominum corporibus expriment, cui sententiæ accedit etiam Theoph.2.lib. de causis Plantarum asserens,flatus frigidos , commodiores esse,quam calidos, ad plantas diu conseruandas, neq; hoc paradoxum alicui fortasse videatur , cum plantæ animantibus proportionem respondeant , vt ipsemet Theoph. ibidem testatur; itemq; Hipp.lib.de vict. ratione; & quâuis istorum auctorum sententia contra Arist. vide-

dea-

deatur esse, cum in lib. de longitudine, & breuitate vitæ afferat, loca moderatè calida, innatum calidum augere, & conseruare, omne enim simile, à suo simili conseruatur, & augetur, & quamuis ista Arist. sententia omnino videatur esse contraria superiori Hyppocraticæ, vt nos explicauimus, nullam tamen difficultatem inuenio, cum Arist. non ponat simpliciter in locis calidis sed in locis moderatè calidis diutius viuere, pari pacto Hipp. non dicit locis frigidis, & siccis simpliciter, sed locis, qui patèt ventis frigidis, & siccis, verisimile esse dixit, quod homines in istis locis longius uiuant, & hoc est quod dicit Arist. 14. sect. proble. eos qui habitant, in locis apertis, & eleuatis tardius senescere: quoniam his in locis aer continuo renouatur à ventis, ita vt, nec ipse putredine contaminetur, nec alias res putrescere faciat hæc de probleme. Martialis vero loquens de Tybure ait, *Cū mors venerit in medio Tybure, Sardinea est*, quod aliud non vult Poeta inferre. Nisi Tyburtini aeris bonitatē, ad quod verificandum, variæ accedunt, tum

Philo-

Philosophorum , Medicorum , Poetarū,
Oratorum , ac demum Imperatorum
Romanorum , necnon etiam Græco-
rum, illustres villæ , qui omnes ad confi-
ciendas, ædificandasq; in Tyburtino ae-
re, domos, ac villas emulabantur, vt etiā
nostris temporibus ingentes eæque innu-
mere extant ruine , & inter ceteras, præ-
clarissima fuit illa Adriani Imperatoris ,
qui inter alias animi dotes egregias ,
Medicinæ fuit peritissimus , vt testatur
Aritmandes in mundi cronologia; igitur
congruum esse non videbatur, quod hu-
iusmodi viri principes, suas villas , vbi à
maximis curis recreabantur, in prauo ae-
re ædificassent, quæ potius essent causa
necis, quam salutis, vt etiam nostris tem-
poribus, hoc videre est, cum villæ ad æ-
stiuos solis ardores fugiendos in optimo
temperatoque aere , vti est Tyburtinus
ædificentur .

Audite quæso Catullum ad Fundum
scribentem; vt optimè istius aeris bonita-
tem, per belle laudat his versibus, cum
ibi sanitatem recuperasset.

*Sed seu Sabine siue verius Tyburis ,
Fui*

Fui libenter, in tua sub urbana

Villa, malamq; è pectore expulsi tussim,

Et hæc dicta sint, de aere Tyburtino, ac de aere in communi. Quamuis latentes differentiae sint aeris sensui, Aquæ vero manifestiores, ut ait Commentator in 1. Physic. commento 44. Concludam denique cum doctissimo Rasi tract. 3. cap. 26. in quo loco, cum varios ciuitatum situs, atque posituras, enumerasset, ac illorum temperaturam patefacisset claudit his verbis præcis. Quod Ciuitatū in alto sitarum, quæ à multis perflantur ventis, aer bene redolens; & subtilis existit. Quæ omnia Tyburtinæ Ciuitati, ac aeri astipulantur, cum præscriptas omnes condiciones habeat: ut demonstratum est.

*De rebus nascentibus in solo Tyburtino,
qua aeris notant bonitatem.*

Cap. IV.

Victus quoque rationem considerandam esse, qua homines gaudent, sententia est Hippocr. lib. de Aere lo-

C cis,

cis, &c. Ista enim consideratio, potentissima causa est; quare homines, boni, vel deprauati sint habitus, & quare morbi letales, vel non letales, in illo aere nascantur; vti sæpe accidunt; ex mala enim rerum nascentium, venenataq; qualitate, ipsemet aer coinquinatur, rediturq; insalubris. Quod è contra euenit in Tyburtino Aere; vbi non solum res malæ, & venenata qualitate impactæ, nascuntur; sed omninò istis aduersissimæ; cum in hoc solo Stirax hauriatur ex arbore malo cotoneo simili, fructu maiore quam Auellana, specie cādidi pruni; vt est Matthioli auctoritas; quas arbores (Mellaina.) Tyburtes vocitant; qui quantam habeant contra tetros odores contrarietatem; nemo negare (cui nota est,) sane potest: nascitur enim, & Angelica varijs in locis huius territorij; sed præcipue in monte, vulgo appellato, (Môte Génaro) in quo, præter quam quod semper, etiam in mense Augusti nix existit, (estq. vnus ex illis montibus, qui Alpes vocantur, totamq; Italiæ circumdans regionem.) multaque alia simplicia contra varios mor-

morbos nascuntur; quæ breuitatis gratia relinquo, cum non simplicium historiam tractare proposuerim. Generatur insuper in isto solo, (ex industria hominum) Manna quæ utilissima est corporibus, non solum male affectis, sed etiam sanis, non ut medicamentum, sed etiam uti cibus.

De Olei Tyburtini bonitate, & quantitate, res est in tota Italia notissima, cum nulla pene Ciuitas sit, quæ huic comparari possit, quippe oleû, si purum, & bonû sit, quale est Tyburtinum, facillimè transeat, & optimum robur addat, ventremq; molliat, & omnem asperitatem tollat, visum acuat, venenis omnibus, omni pesti, omnique putredini resistat, impinguet, bonum habitum restituat calorem bonû præstet, omne doloris genus mulceat, & mitiget; sed præcipuè nephriticis, fractis, ruptisq; auxiliatur; lassitudinem tollit, & non solum has, verum etiam multas alias utilitates corpori humano præstat; suas vires ad alias res communicando; cum cariem à lignis, à metallis eruginem prohibeat, picem, rasinamq; separat,

ret, omneque animal non legitimè natum perimat, cunctorumq; medicamentorum vires, atque odores imbuat: vetustate denique fit tenuius, & potentius oleum nostrum Tyburtinum; auget præterea iecur, cerebrum, medullas, & hoc facit ob substantiæ tenuitatem, multasque alias dotes, ac bonitates habet; vti refert Gal. de oleo Tyburtino, & Sabino lib. 2. de comp. Pharmacorum secundum loca; Concludā igitur, quod oleum, quāto est purius, eo perfectius est; Auezoar. lib. 5. loquens de oleis asserit in suis partibus coqui carnes cum aqua, & oleo, & esse laudabiliores, & gustui gratas; qui vsus etiam hodie Tyburi obseruatur; & hoc erat illud Plinij libr. 4. cap. 3. dicens; *duos esse liquores; humani corpori gratissimos, & utilissimos, oleum, & vinum*, & Cardanus lib. 3. de san. tuend. cap. 76. *oleum, & sal communia omnibus mixtis, & oleum, aeris vicem gerere, sal ignis*. At cum in Ciuitate Tyburtina maxima sit olei copia, & perfectissimi, necesse est omnes illas utilitates corporibus in isto aere degentibus afferre, quas

quas modo enumeraui, at non solum in hoc, sed etiam in cæteris rebus, virtui necessarijs nulla alia Ciuitas est huic secunda; cum semper ita bonæ, & gustui gratæ Tyburi carnes comedantur; vt priscis temporibus testatur Iuuenalis Satira 11. de Hædis Tyburtinis; qui ab Antiquis Romanis in conuiujs multi fiebāt, cum quadrupedum carnes, in lautis illis coenis non admitterentur; Hædi vero Tyburtini, non solum apponebantur, sed etiam expetebantur; & ob nullam aliam causam, ita boni, ac laudabiles sunt; nisi ex pascuorū bonitate, herbarumq; fecunditate, illarūq. odoratissimo afflatu, quibus Boves, Vitulæ, Arietes, Hædi, & alia animalia nutriuntur; cum pascua tempore Hyemis, & Veris sint in montibus, quoquo pacto saxosis vbi vescuntur; hæc enim cibaria sua qualitate, ratione loci, magis sicca sunt; quam alterius qualitatis; tempore vero Aestatis, & Autumni in planitie pascūtur, (in loco vocato li pantani, vernacula lingua) vbi maxima herbarum copia tunc temporis adest; qui locus scatet herbis odoriferis, optimumq.

odorem, scilicet Thymi speciem referentibus, & ob hanc causam à nostratibus, Apes in isto loco reponuntur, magnaque mellis colligitur quantitas. Quod etiam ad valetudinem confert, & optimam aeris temperiem denotat, cum hæc animalia impurum aerem aufugiant, tanquam sibi aduersissimum, vt optime Vergilius canit in Buccolicis.

Dumq. Thymo pascentur Apes, dum rore Cicada.

& sæpius in 4. Georgicorum,

Et olentia late.

Serpilla, & greuiter spirantis copia thymbra floreat, &c.

De Vini vero bonitate, Aquarumque qualitate; in capite proprio, inferius examinabimus. Multa essent de reliquarum frugum bonitate dicenda, scilicet de Malis Punicis, quæ in maxima sunt copia; vt quædam dulcia, quædam acetosa, quædam medijs saporis sint, quæ omnia humectant, verum dulcia sunt calidiora, & humidiora; & generatur ex eis modica ventositas, non mala; quippe retinent, nobilem proprietatem; vt puta quod mirabi-

tabiliter resistant cibis, ne corrumpantur in stomacho, vt de his notauit Auer. lib. 5. collig. cap. 4.

De Prunis, Piris, Cerasis, & alijs horarijs frugibus; quæ cum sint res, quæ non ita optimam faciunt temperaturam; cum ex illis non semper, neque per totum anni cursum, incolæ vescantur; etiam si malæ essent, cum optimæ hic sint, (vt perbelle notat. Horatius Flaccus lib. 2. sermonum Satira 4.

Picenis cedunt pomis Tyburtia succo.
Necnon etiam Columella de cultu hortorum:

Et Turnilacus, et pomosi Tyburis arua.)
Non multum detrimenti facere possent, attamen cum istæ res sint, quæ perpetuo, & passim ægris condonantur, malæ esse minime possunt.

Magna præterea est copia vuæ Appianæ, & alterius vuæ Duracinæ, quam Plinius *Escariam* appellat, quæ lingua Tyburtina, Pergolese, vocatur. Nomen forsan deductum à Pergolis, cum istud genus vitum, in pergolis solum à Tyburtinis recondatur, & huiusmodi vuam ho-

die colunt magno quæstu, vuarumq; genus est nigro splendentium nitore, nil pulchrius in vinetis, olim Bacchi iudicijs estque spectaculum vel bellarijs gratum, colligiturq; mense Nouembris, necnon etiam Decembris, gustui gratissima, ventrem inflat, & non probi est nutrimenti, cum sit duræ digestionis, atque concoctionis; Melior enim est vva Appiana, (vt dicitur Moscatello,) quæ etiam in magna copia, eo in agro reperitur. Sed vnum est dignū admiratione; quod hoc genus vitium Duracinarum non adolefcit, nec fructiferum est, in alijs locis Romæ vicinis, præterquam in solo Tyburtino; at non in omni parte, sed in aliqua præcisa, & hoc est illud Hippocratis notandum 4. de Morbis, cuius formalia verba sunt. *Considerare, licet quantum locus, quamuis vicinus, à loco differat; quo ad vini suauitatem, sole eodem surgente; nam est ubi terra humorē suauē præbet, et est ubi non, sunt & agrestia non pauca, quæ paulo longius vlna, de suo loco translata, non coalescant. nam terra humorem illum non habet, quem translatis subministret, quam*

quam illa suis agrestibus plantis, natisue
 subministravit, &c. esset præterea, ali-
 quid dicendum de Pane quo Tyburtes
 vescuntur, illud tātum referam, quod fe-
 re omnes domi suæ panes conficiunt, &
 cum sale optimeq. fermentatos, & hoc
 forsitan quoq. potest esse causa quoquo-
 pacto, vt bonę incolarum huius regionis
 temperies sint, cum Sal notum sit, corpo-
 ra à putredine conseruare, humores de-
 tergere, attenuare, & incidere. Quamob-
 rem non ob istas causas, id faciunt, sed ob
 antiquam huius loci consuetudinem.
 Panis præterea fermentatus levis est, &
 mouet; levis quod fermenti acore humi-
 dum consumitur; quod nutrimentum est.
 mouet, quia cito digeritur, non formen-
 tatus vero minus mouet; sed magis nu-
 trit, vt optime asserit Hippocrates lib. 2.
 de victus ratione.

Piscibus demum optimis, pretiosissi-
 misq. Tyburtini vescuntur; cum saxati-
 les omnes sint. Pisces enim prætiosi, in-
 quit, Gal. 3. de Aliment. facul. ideo opti-
 mi sunt, quia eorum caro candida est, pu-
 ra, sincera, atque friabilis; & ob id, lau-
 dabi-

dabilem generant sanguinem (quod pro nostro scopo de loci salubritate est ad rem,) & inter saxatiles, pretiosissima est Trutta; quæ in Aniene nostro fluuio piscatur; ideoq; illud genus piscium præ alijs est laudabile; cum habeat omnia illa bona signa, quæ à Gal. loco supracitato recenscebantur; caro est candidissima, & in optima aqua nutrita; quæ & rapide currit, habet præterea squamas pulchras, bronchia rubra, nec non etiam maculas rubras, & aureas, vt nihil pulchrius in hoc piscium genere, videri sat possit.

De Auibus montanis, multa essent dicenda, quæ longo egerent sermone, cum situs pro auibus aptissimus sit; semper enim adsunt Ficedulæ, Turdi, Turtures, Phasiani, Qualia, cæteraq; animalia in maxima copia, suo videlicet tempore, atque ideo Tyburtini habitatores, non solum ob aeris bonitatem, situsq; amœnitatem, verum etiam, ob reliquarum rerum, tum copiam, tum qualitatem, bonitatemq; copiosissimarum, perfectissimarumq; optimam inculpatamq; valetudinem ducant, & non tam facile, à morbis

bis malignis tentantur , & qui ob aeris intemperiem; & victum, oriuntur, vt latius supra docuimus .

Plura essent de alijs frugibus , & rebus, quæ Tyburi nascuntur in medium. afferenda . Sed ista sint satis dicta, ad demonstrandâ Aeris bonitatē salubritatēq. Nec opus est in ista Ciuitate; & eius situ, peregrini aeris volucres, remotarumq; lit-
torum pisces , alienique temporis flores flagitare, vt luxuriosa vetustas in suas lau-
tas coenas requirebat . Nam delicati illi, & fluentes, quales sæpe Respublica tulit, parum se lautos putabant, nisi luxuria, vertissent annum , nisi hybernæ poculis rosæ innatassent, nisi æstiuæ in gemmis capacibus glacie falerna fregissent, quo-
rum gulæ angustus erat orbis noster ; vt Seneca , & Suetonius de Caligula scri-
pserunt, sed omnia enim ista quæ ab anti-
quis expetebantur, Tyburtes satis deli-
tiose fruuntur, & sine vlllo impendio, na-
tura illis apprime suppeditat atque sub-
ministrat .

De Vinis Tyburtinis . Cap.V.

DVos esse liquores corporibus humanis gratissimos, vtillimosq; Vinum, & Oleum refert Plin. lib. 14. cap. 13. *Vinum esse succum carnis, quæ circa fructum vitis existit, de sua sede hominum industria, & diligentia remotum, atque expressum, & ad suos usus reconditum; idem terræ sanguinem vocauit, lib. eodē, cap. 5.* Iam verò de Vinorum Tyburtinorum bonitate, aliquid dicere aggrediar, cum ipse etiam liquor aeris salubritatem denotet. Qua in re explicanda plus erit mea quidem sententia nobis & operis, & laboris, & ingenij penendum cum varias in se habeat, (vt dicemus) differentias; conabimur tamen ex melioris notæ auctoribus, congruentissima, & maxime vera afferre; illud in primis in mentem reuocans Plinij dictum lib. 23. Nat. hist. cap. 1. *Nullius alterius rei difficiliorem tractatum, aut numerosiorem esse; quam vini:* quam sanè difficultatem adaugent, tam multa vinorum genera, tam multæ eorum

eorum inter se ex vite, solo, situ, regione, cultu, arte, natæ differentiæ, tanta saporum varietas, tam multiplex demum in nobis potentia, miraque in omni mortaliū genere cognita opera, vt nemo sit, qui ea contemplatus, non summe miretur, & inquisitionis studio non accendatur. Cum à vino meror, & gaudium oriatur; vt ait sapiens Prou. 31. *date sicceram merenti, & vinum ijs qui amaro sunt animo,* & Ecclesiast. cap. 40. *Vinum, et Musica, latificant cor, & super utramque dilectio sapientiæ:* & Plato 2. de Legibus. *silentium, & dicacitatem mentis insuper habetudinem, atque acumen, extenuationem, atque impletionem, somnum, ac vigilias, sanitatem, ac Morbum, vitam denique, ac mortem miseris mortalibus afferre videamus.* Quæ sanè omnia; non tam, ob veritatem spectanda, quam ob magnitudinem, & inter se repugnantiam admiranda videntur. Quo circa Hipp. tum lib. de aff. tum 2. de dieta. *Vina quæ in aquosis, & siccis locis, atque æstuosis generantur, ea omnia sicciora, & calidiora esse affirmat, & robur in corpore exhibere,*
ma-

maio remq; reditum tribuere, quam quæ ex humidis, et riguis, ac frigidis, ista enim humidiora, & frigidiora, ac leuiora sunt, non solum igitur ipsius cibi, & potus, & animantium ipsorum vim, nosse oportet; sed etiam patriæ unde oriuntur; quod igitur forte alimentum corpori afferre velis, ut ex iisdem cibis, illa quæ ex non aquosis locis, veniunt utenda sint animalibus; ubi vero leuiore, & humidior, ijs, quæ ex riguis veniunt uteris. Qua de re dicendum est, cum ipso Hipp. Tyburis vina optima esse, omnesque illas habere utilitates, & corporibus afferre; quas supra ipse denotat. Nam quod attinet ad vinorum differentiam, multiplex illa est, aut enim ipsa varietas, siue differentia sumitur ex loco, in quo vites nascuntur, aut ex situ, ad cœli plagas, aut ex soli natura, aut ex vite, ex arbore, aut ex vini consistentia, vel calore, vel sapore, vel ætate, vel denique potestate, virtuteq. adeo ut vinorum omnium hæ differentię sint numero vndecim, uti videre est, in varijs Gal. locis; sed præcipuè in lib. de Antido. & Metho. cap. 7. ubi etiam vinum Tyburtinum inter

ter optima vina numeratur, scilicet ea, quę conficiuntur, in locis montuosis, & saxosis (iuxta vulgare dictum) *Bacchus amat colles*, enim vero vina illa apud Tyburtes optima habetur; vt fuit receptum apud antiquos, quod testatur. Horat. Poeta epist. 18. lib. 1. scribens ad Varum vino moderate sumpto hilaritatem, immodico, rixas excitari.

*Nullam Vare sacra vite prius seueris
arborem*

*Circa mite solum Tyburis, & mania
Catilli.*

Ob quam igitur rationem Galenus dicat vinum Tyburtinum optimum, inuestigare ex suis scriptis adhuc non potui, nisi velimus dicere, quod in his locis conficiuntur vina oligofara, cum in locis frigidis nascantur fere semper vina aquosa, oligofara vocata; siue ea rubra, vel alba sint. Vinum siquidem aquosum leuissimam in ligno vitis, habuit transmutationem, leuissimam quoq. in elemento terrę permixtionem, quod vt aqua foret, paulum terreę, calideq. substatię occupauit, atque in harum coniunctionem, leuif-

maio remq; redditum tribuere, quam quæ ex humidis, et riguis, ac frigidis, ista enim humidiora, & frigidiora, ac leuiora sunt, non solum igitur ipsius cibi, & potus, & animantium ipsorum vim, nosse oportet; sed etiam patriæ unde oriuntur; quod igitur forte alimentum corpori afferre velis, ut ex iisdem cibus, illa quæ ex non aquosis locis, veniunt utenda sint animalibus; ubi vero leuiore, & humidior, ijs, quæ ex riguis veniunt uteris. Qua de re dicendum est, cum ipso Hipp. Tyburis vina optima esse, omnesque illas habere vtilitates, & corporibus afferre; quas supra ipse denotat. Nam quod attinet ad vinorum differentiam, multiplex illa est, aut enim ipsa varietas, siue differentia sumitur ex loco, in quo vites nascuntur, aut ex situ, ad cœli plagas, aut ex soli natura, aut ex vite, ex arbore, aut ex vini consistentia, vel calore, vel sapore, vel ætate, vel denique potestate, virtuteq. adeo ut vinorum omnium hæ differentię sint numero vndecim, uti videre est, in varijs Gal. locis; sed præcipuè in lib. de Antido. & Metho. cap. 7. ubi etiam vinum Tyburtinum inter

ter optima vina numeratur, scilicet ea, quę conficiuntur, in locis montuosis, & saxosis (iuxta vulgare dictum) *Bacchus amat colles*, enim vero vina illa apud Tyburtes optima habetur; vt fuit receptum apud antiquos, quod testatur. Horat. Poeta epist. 18. lib. 1. scribens ad Varum vino moderate sumpto hilaritatem, immo dico, rixas excitari.

*Nullam Vare sacra vite prius seueris
arborem*

*Circa mite solum Tyburis, & mænia
Catilli,*

Ob quam igitur rationem Galenus dicat vinum Tyburtinum optimum, inuestigare ex suis scriptis adhuc non potui, nisi velimus dicere, quod in his locis conficiuntur vina oligofara, cum in locis frigidis nascantur fere semper vina aquosa, oligofara vocata; siue ea rubra, vel alba sint. Vinum siquidem aquosum leuissimam in ligno vitis, habuit transmutationem, leuissimam quoq. in elemento terrę permixtionem, quod vt aqua foret, paulum terreę, calideq. substantię occupauit, atque in harum coniunctionem,
leuif-

leuissima indiguit confectione: Contrarium autem tum vinosum, tum multiferum, neque à leui coctione tale efficitur, vtpote quod ab aqua longissimo recedat interuallo. quæsitūq. est, vt insignem consecutum fuerit, tum caliditatem, tum odorem. Galen. in lib. Hipp. de rat. vict. in Morb. Acut. com. 3. vt etiam videtur annuere illis verbis in lib. 12. Meth. c. 4. *huiusce generis vinorum, optima sunt Surrentinum, Signinum, Sabinum, Tyburtinum, Marsum, omnia quidem Italica, & adstringentia, non tamen pari modo omnia; nam Surrentinum, cum mediocriter adstringat, tum calidius cæteris, tum iucundius est; ab hoc nobile Tyburtinū; quod sicuti Sabinum, leuiter potest adstringere, &c.* ita forsitan, quia tunc Temporis Tyburtes, vites cōiugatas vlmis, & palis iugo alligatas, ac arūdine muniebant. Quē vsus hodie fere abolitum esse videmus; cum fere omnes suspendant vites in altas pergolas; alij vero, quamuis per pauci maritant vites arboribus, & hac de causa, vina non ita potentia sunt, attamen à Gal. vinum Tyburtinum inter optima,

tima, prætiosissimaq; numeratur; tam in loco supra citato tum alibi, vt 5. de sanit. tuend. Tyburtina uina sana esse, & multas dotes illis tribuit, vt videre est; sed ad quid opus est auctoritatibus, cum uina, quæ Tyburi conficiuntur, testimonium præbere potantes hodie possint, etiam si ad decem non conseruentur annos; tamen utilia erant, vt refert Atheneus, & adhuc vetustiora, legitur in lib. Spurijs Galeno adscriptis: Quod credibile est illis tēporibus durasse, vel ex cultu vinearum, vel forsitan, quia fumo vtres vino plenos ad diuturnitatem suspendebant, quod hodie non in more positum est, immo vsus aboleuit omnino. Scire tamen est; varijs modis vinum in mea patria confici. Sed duo sunt modi proprii. Vnus est cum expressis uis, statim in dolio reponitur, & sic manet, pluribus diebus, donec deferueat, dolij osculum obturando, postq. mensem in aliud dolium transfunditur, & in cellam vinariam reponitur; neque est necesse, vt teneatur in domorum vestibulis, vt Romani faciunt, ne uina corrumpātur, vt asserit, Alexand.

Petron. lib. 2. de victu Rom. c. 10. Secundus modus conficiendi est, cum expressis uvis, vna cum acinis, & racemis, in dolijs (ex vno fundo apertis) reponitur, ibiq; manere faciunt quoad deferueat, clarificatumq; sit vinum, postea vero in alijs dolijs reponitur ab acinis, & racemis diuisum, & statim bibere possunt (& iste modus Retornato appellatur.) *Acinatus*, vero reperio Antiquis cognominatum esse, quod miris laudibus celebrat Cassiodorus lib. 13. variarum lectionum cap. 4. & Vlpianus Iurisconsultus peritissimus codice de legatis. sed etiam fuisse cognitum ab Hipp. videre est in lib. de victus ratione in Acut. & hoc genus vini bullire permittitur, modo prædicto, vsque ad decem dies plus minusue prout dulcia, vel minus dulcia expetuntur, & hæc vina ab aliquibus in dolijs reponuntur nulla alia addita mixtura; quamuis nō desint, qui alterius vini portionem modicam admittant, in ipsum dolum, vt est Coctum, vel Sapa, quam Græci *σάπης*, aut *σάπια* vocant, & ob nullam aliam causam id faciunt nisi vt magis durabi-

rabile reddatur, maiorque aquæ portio in familijs adhibenda sit, cum ob modicum illud per coctum super imposi- tum (mustum enim est ad ignem factum) quod ob bullitionem maximam, acqui- uerit ingentem virtutem, & has habeat qualitates, cū ibi non opus sit hoc medi- camentum, vel aliud addere, vti Romæ faciunt ne vina in putorem, (quam mus- sam vocant,) euadant, neq. minus in vap- pam (Metaphoricæ autem vappa signi- ficat hominem, qui amplius nihili vsui est. Horat. Satira 1.

*Non ego Auaram, cum veto te fieri
Vappam iubeo aut Nebulonem)*

Cum vineæ fere omnes sitæ sint in locis saxosis, vel ficcis, & montium radi- cibus, non in locis lutosis, atque cœno- sis; modus enim conficiendi, & coquendi diuersimodè vina, non solum nouus est, sed etiam antiquissimus, vt testatur Plin. c. 19. lib. 14. cum aliquibus in locis alij decoquant, ad sapas, infusisq. his, fero- ciam frangunt, vt cap. 20.

*Crapula compeSCI feritatem nimiam
frangiq. vires. (seu virus vt aliqui le-
gunt)*

gunt) est autem crapula. Texte Plinio
rasina cocta ita lib. 16. cap. 11. non autem
 sex *rasinae* vt aliqui volunt. at non solum
 coquebant vina; sed etiam Picem adde-
 bant, vt idem Plin. 7. cap. 14. lib. vt Ro-
 mæ apud aliquos Sulphure, Sale, & Aro-
 matibus vina conseruantur: Tyburi verò
 his non est opus; sed tantum aer hoc illis
 præstat. Vina etiam saccis percolabat an-
 tiquitas, quemadmodum & nunc nostra-
 tes vsu seruant, vti & Plinius & Colu-
 mella asserunt Theoph. vero 6. de causis
 Plantarū vocauit *εἴδος αὐτῆς ὁμοῦ*. ad ve-
 rustatem deniq. vinorum consequendam
 implebant vasa ex vino, & in mare proj-
 ciebant, alij verò scilicet Arcades, fumo
 vina in ytribus exiccare solebant, sicut
 in 4. Metheol. Arist. & Acron apud Ho-
 rat. lib. 3. ode 8. hoc asserit, & Martialis.

*Improba Marsilie quicquid fumaria
 cogunt.*

Accipit ætatem quisquis ab igne Cadus.

Palladius etiam lib. 10. ex Græcis au-
 thoribus, ad ætatem longam simulandam,
 medicamenta quædam permisceri, & va-
 sa in fumo poni solita narrat. A necessa-

rijs itaque ortam esse rationem conden-
di vina constat, quæ ad nimium proces-
sit causa luxus. De qualitatibus, & qui-
bus conueniat vini potio, non desunt au-
ctores, non solum antiqui, sed etiam re-
centiores, qui de hac re optime scripse-
runt: nil dicam, & inter recentiores satis
dilucidè Baccius hanc rem examinauit
in lib. de vinorum historia, vbi etiam ali-
quid de Tyburis vinorum bonitate ha-
bet. Miror equidem, Quomodo Alex. Pe-
tronus, vir eruditissimus cum varia vi-
norum genera circa urbem nascentia
enumerasset, in lib. de victu Romanorum
illorum vires, & qualitates ponderasset,
de Tyburis uinò ne uerbum quidem, cū
Ciuitas, sit tam Romæ proxima, ac fere
contigua. Cumq. Aer Tyburtinus multis
à natura dotibus celebretur, ut ait Bac-
cius lib. 6. de Vinis Italiæ, (ut nos latius
explicabamus superius.) & primum sa-
lubri, & secunda aura; nam continuis à
dextra montibus, usque in sabinam, à si-
nistra longè iu campaneam Latij, ac par-
ce in meridiem excurrit, in quorum me-
dio vetustum Tybur occidentem respiciens,

quasi ex conspicua scena in conspectum totius Latij supereminet Vrbi Romæ ad 15. miliaria, per quæ ipsum collē Anienis amnis à mōtanis usq. Aprutinis ex Amœnissima valle descendens pluribus in descensu, cadentibus riguis quem locum propterea Strabo ad imitationem Nili cataraetam, (vulgus Infernum vocant, & præcipuè Tyburi, os Inferi vocatur. Ciuitatem irrigat seque ad oportunos usus dispergit in totum collem, & exinde in hortos, ac vineta in subiectam planitiem, & usque in Tyberim propè Romam influit, promouetq. perenni humore frugiferas longa serie arbores, & pomaria ad fecunditatem incomparabilem. Situ solum ex utroque latere eminet, in occidentem accliu, quod saxo pinguiq. topbo permixtum omnigenis frugibus fertilissimum sit. Præsertim oleo quod fundit is ager, in tantam copiam, ut ob hanc naturæ fecunditatem cesset non dubio Tyburtinorum industria, ut nec ornatum ædium admodum curent, nec cultum vinearum, quasi natura abūde ipsam copiam suppediet, eamq. albis vuis non tā selecta propagine, quā eius soli genuinis,

nuinis, ac permixtis generibus, unde cum Tyburtes uua (vt Plinius) humidiores, ac oleaginea inuenta sint condituram amant, quam hodie adhibent coctis saltem mustis, ad spumationem; alioquin uina non seruantur. hæc Baccius de natura uinorum Auctor diligentissimus de Tyburtinis uinis scripsit.

Sed si quis de Vinorum Tyburtinorum bonitate, præstantia, ac qualitate, aliquam notitiam habere ulterius uult, uideat Galen. in suis operibus. Sed ubi breuitati propositæ respōdeam; scire est, etiam ad quatuor, & quinq. annos conseruari, nec acida, nec in alterius qualitatem mutari, vt de qualitate notat Cardanus 3. de sanit. tuenda cap. 86. *Vina ex uuis natis in montibus, potentiora sunt, calidiora & tenuiora, quemadmodum sunt pene omnes uineæ Tyburtinæ, uel in montibus saxosis, uel in montium radicibus, paucis tamen exceptis quæ hoc nostro quo, in quadam planitiæ posite sunt: quæ non ita laudabile reddunt uinum, cum sint in humili loco, frigido, & aquoso, unde illud Poetæ est recensendum.*

Bacchus amat colles, &c.

Differentiæ igitur omnes, à sapore, à claritate, tenuitate, crassitie, & robore, tempore, atque loco uinorum capiuntur, calor enim nil facit, neque prodest, neque obest. Sed indicat rei naturam.

Varium esse uinorum colorem, utique alium album, alium nigrum, alium flauum certum est; cur uero uina coloribus differât, nemo quoad sciam scripsit. Ego autem ad elementa ex quibus hæc cuncta inferiora componuntur referrem, cum Arist. uti uinum flauum, & fuluum ignis naturam sapiat, Rubeum, Aëris, Album, Aquæ, Nigrum Terre naturam referat, ex eodem Arist. sect. 38. Probl. ultimo. Si igitur hoc verum est, erit pariter uerissimum, Vinum Nigrum, & præsertim Crassum, terreum cum sit, succum melancolicum generare. Vinū vero Album, & tenue, Aquæ naturam cum sapiat, Pituitam serumque sanguinis generare. Rubrum quod Aëris, in sanguinem optimum conueriti. Vinum postremo fuluum, vel flauum, flauam Bilem procreabit, quia ignis naturam sapit.

Sed

Sed Vini sapes gustus indicat, ut
dulcem, amarum, austerum, acerbum,
astringentem, insipidum, ac vinosum;
reliqui vero sapes, non sunt uini natu-
rales, sed præter naturam, scilicet acidus,
pinguis, & salsus sapor, quæ omnes diffe-
rentiæ optime sunt illis notæ; qui in tuen-
da sanitate diligentes, ac solliciti sunt.
Cum uinū, quod in potu alimenti gratia
quotidie sumitur, debet esse mundum, pu-
rū, clarū, odoratum, & sapore iucundum,
numquam corruptum, turbidum, impu-
rum, odore graui, & gustu ingrato, quod
non modo toti corpori noxam infert, sed
etiam sanguinem corrumpit, qua pro-
pter suam facillime tuentur sanitatem,
qui regiones, & Ciuitates incolunt, in
quibus optima conficiuntur uina, quem-
admodum in ciuitate Tyburtina; quippe
uina ibi nascantur optima, ratione loci;
cum omnes illæ numeratæ differentiæ re-
periātur, quas supra innuebam. Ad quod
corroborandum sunt ad rem illa Hipp.
uerba 4. de Morbis. *Quantum locus quā-
uis vicinus à loco differat, licet considera-
re, quoad vini suauitatem, Sole eodem sur-*

gente, non est ubi terra humor suauē vinum præbeat, est ubi non. Vinum denique omne uniuersaliter loquendo, Merum, Sincerum, & sua natura austerum excalfacit, facile in membra distribuitur, stomachum adiuuat, appetentiam ciborum iuuat, uires alit, ac robur auget, somnum conciliat, calorem commendat, & è contra ipsum uinum, uaria in corpus afferre in commoda, etate, potentia, & assumptionis more inueniemus. Nam uinosum uinum (uocatum) & immodice sumptū caput tentat, neruos implet, fluxiones excitat, mentem labefacit, uires denique corporis uniuersas dissoluit. Aquosum, & oligopharum, ut minus id facit, ita certè minus alit. Dulcia uina obstruunt, crassa, nigraque difficillimè permeant, diuque in uentre morantur: uetera uehementer calefaciunt, noua turbant, & fluctuationem miram concitant. Acida ledunt uentrem, neruisque sunt inimica. Hec in uniuersum uini incommoda in corpus sunt: circa quæ omnia est probatissima Auctoritas Medicorum, & hoc est dictum de Vinis Tyburis.

De

De Vinis Secundarijs, vel Raspatis.

Cap. VI.

VNum erat in præcedenti capite
notandum, scilicet de Secunda-
rijs Vinis, de Aquatis nostro tempore
uocatis, de Lora, de Raspatis; Quomodo
ea Tyburi conficiantur, cum uarij in-
uarijs Vibibus sint modi, ut Baecius de
Natura uinorum c. 19. lib. 1. testatur, at-
tamē constat, eundem esse modum apud
Tyburtes, ac ille qui ponitur à Gal. 2. de
Alimentorum facul, cap. 9. *Nam conie-
ctis vinacys in dolia, tantum aquæ super
infundunt, quo ad pro racemarum copia
omnia permadeant, quod ubi satis factum
viderint, in dolijs fundo foramine aperto,
dilutum diffluere sinunt, idque bibunt. fit
& tertio, quam variosi, proprie volunt,
duriſſimam appellari, aliam similiter effun-
dendo aquam, parciolem tamen priori, ut
hæc sit quoque potioni attemperata: ha-
tenuis Gal. & Plin. 14. lib. cap. 10. de hu-
iusmodi secundarijs vinis, sic loquitur,
duriſſimam Cato, & nos, Loram; quæ sit vi-
naceis*

naceis aqua maceratis . Sed tamen inter
vina operaria numerantur: tria eorum ge-
nera sunt; primus modus, ac genus est. De-
cima parte aquæ addita, quæ musti ex-
pressa sit, & ita nocte, ac die macerata,
vinaceis rursusq. subiectis. alterum, quod
hoc modo Græci factitauere, tertia parte
eiusque quod expressum est, addita aqua,
expressoq. decocto, ad tertias partes; ter-
tium est fecibus vini expressis, (quod fœ-
catum Cato vocat) nulli ex his plusquam
anno usus. hæc illæ ex quibus Plinij ver-
bis, necnon etiam Gal. colligo. Quod A-
quatum, & Raspatium, quod Tyburi
conficitur, parum distat à modo, quo illo
tempore conficiebatur; Quod, extracto
musto, ex uuis calcatis optime expressis,
in uase illo, in quo uua pistatur (qui ua-
sca uocatur) aqua iniicitur ad illam
quantitatem, quam amant, & ita perma-
nere aquam faciunt cum illis racemis, &
acinis expressis, per spatium quadragin-
ta horarum, plus minusq., ut magis dul-
cem, uel piccantem amant, & iste est uni-
uersalis modus, nil alio addito, quamuis
non desinunt, qui cum alijs rebus adul-
terent:

terent; videlicet infundendo, postquam in dolijs reposuerint Aquatum, vnam, vel mustum, vel vnam Lambruscam, quæ res magnam per se faciunt differentiam, ac diuersitatem. At cum aquata ventrem relaxent, Hypochondria inflent, *seruis, & operarijs*, vt Plinius, inquit, relinquenda.

Varium dumtaxat, humana hominum sollicitudo, cui semper noua placet; & noua nouis addere inuestigauit, modum cõficiendi Raspatum indagauit, & hoc non ob aliam causam; nisi vt habeant portionem quam pauciferam, & quæ nullam aquæ portionẽ recipiat, maximamq. in bibendo voluptatem, ac oblectamentum præbeat vinosis, cū hi varios gustus quoq. sentiant, & præcipuè sub austerum, admixtum, dulce, (vulgò dicitur Piccante) linguæ, & ori delectabile, & ob id, vt suo quisq. gustui obtemperet, varios extra ordinem Raspatij adhibuerunt apparatus; quos omnes si recensere vellem, tædio essem legenti. præcipuos, & proprios tantum proponam; cum in hac re vnusquisq. suæ voluntati faber sit. Nam aliqui ex Lābrusca vna parant, ebullitis
tamen

tamen in aqua Racemis, & Botris, & in
 Dolis omnia ad bulliendum ponunt per
 quindecim, vel viginti dies, ac po-
 stea bibunt: alijq. deniq. addunt mustū;
 alij vinum vetus, generosum, alij nō ex
 vva lambrusca; sed ex alia vva Raspa-
 tium conficiunt; eodem tamen modo. ali-
 qui deniq. boni vinitores, ne longo fer-
 mentore, illi spiritus nimis exhalescant, duo
 adhibent, ad id præstandum vtilia inge-
 niosa, hec forsitan longo vsu admoniti;
 nam longam ponunt in superno dolij fo-
 ramine arūdinem cavam ab imo ad sum-
 mum cum patula superne lignea; vnde
 exhalant spiritus feruentes; vigor vero
 non exhauriatur, taliaq. Raspatia nul-
 lum deferuere non faciunt; ne aufera-
 tur illa punctionis vis, arque gratia, sed
 statim dolij foramen claudunt.

An huiusmodi Raspatium fuerit in
 vsu apud antiquos; non ita facile possum
 affirmare quemadmodum de Aquato.
 Cum notum sit, & ex ipso Plinio loco ci-
 tato superius, cum illa vina, quæ eo in lo-
 co enumerat, inter vina operaria recen-
 seat, quæ etiam hodiernus vsus demon-
 strat,

strat. Cum Aquatum operarijs ad potandum detur, de Raspatio, vsque adhuc, non inueni, an fuerit cognitum Antiquis, quantum ex obseruationibus antiquorum videre sat potui. Et equidē miror si hoc potationis genus esset apud Antiquos in vsu, cur Plinius rerum Antiquarum, satis diffusus scriptor, non enumerasset; cum de Vinis Deuterijs, de Lora, de Secundarijs verba fecerit, hoc vnum intactum reliquerit; nisi dicere velimus, Quod Vinum Oenanthinum apud Dioscorid. lib. 4. cap. 5. sit Raspatium nostri temporis, quod anceps est affirmare. Cum vini oenanthini compositio, sit diuersa à Raspatio, etiam si duplex modus ab ipso auctore ponatur; illud tamen est aduertendum, quod vt ipse, inquit, c. 18. fit, ex floribus Lambruscæ in musto maceratis, ac post triginta dies mutatis, & hoc significasse videtur Hipp. de vict. rat. in Acut. his verbis. *Cænanthinam, vitisue florem, &c.* Alterum quod cap. 10. ponit, potest nostro Raspatio accommodari, cum modus, quem Dioscorid. describit, idem sit, ac ille, quem supra explica-

ui, & quo Tyburi conficitur. De suo R-
spatio Dioscor. dicit, prodesse alui, & sto-
machi fluxionibus, & cœteris, quod pari-
ter ego possum de Tyburtino affirmare cū
ex vua siluestri, nigra, quæ Lambrusca,
vocatur conficiatur istaq. proprietates,
atque dotes habeat.

Verum cum factitia hæc omnia vina,
sint, nec vere, & proprie vina vocari pos-
sunt, vt Plin. monebat, & non sunt admo-
dum hominibus sana, vt pote delicatis,
& nobiles : relinquenda igitur seruis,
& operarijs, erunt iuxta Plinij documen-
tum, deque his erit dictum satis.

De Aquis, quæ Tyburi oriuntur.

Cap. VII.

EXpeditis ijs in præcedenti capite
quæ ad Vini Tyburtini naturam,
pertinebant; res omnibus profecto, & au-
ditu, & gustu gratissima; reliquum est in
præsentiarum aliquid de Aquis, in me-
dium afferre, tum quæ apud Tyburtes bi-
buntur, tum quæ ad alia inserviunt, &
qua-

quatenus illæ sint salubres, vel insalubres quoniam ad sanitatem, maximopere utiles sunt, aerisq. salubritatem denotant; cum pleraq. mala, ac bona fieri ab aquis probabile sit; sed ista cognitio propriè tum ad Philosophum, tum etiã ad Medicum pertinet. Quemadmodum loca recē-sita ab Hipp. in lib. de Aere & Aquis optimū faciunt testimoniū, cum ait, *opus esse Medico situm locorum nosse, Aquarum qualitates ponderasse, et victus hominum, qui in regionibus habitant, et his cognitis effectus eorum cognoscere, ac predicere valeamus.* Sed ista cognitio, ad aeris salubritatem, si aquæ bonæ in illo aere, & loco nascantur, pertinet, cum aqua, tam sanis, quam ægri commu-ne solatium sit, & maximopere necessaria, cum mundanorum, & singularium elementorum, hoc vnum sit, ex quibus vniuersis tota nostri corporis constitutio sit conflata, atque composita; quamobrè de ea fuero haud ociose dicturus, & quā-vis varij varie disputent de Aquis; Ego ad illam Hipp. veritatem 5. Aph. 26. animū intendi; Nam si spectemus aqua-

rum differentias , quæ sumuntur à Plu-
uia, Fluuio, Fonte, Cisterna, Puteo, Lacu,
Palude; hæc omnes ad illam sententiam
in illo Aph. prolatam reducuntur, si præ-
terea distinguemus aquas , quæ sint tur-
bidæ, vel duræ, vel molles, vel mediæ, re-
ducuntur ad eandem. Itaq. Hippocr. eam
aquam optimam esse cenſet, quæ cito ca-
leſcit, & cito refrigeratur , hæc enim læ-
uiſſima eſt. Aqua igitur puriſſima, & quæ
omni labe caret tribus iudicatur ſenſi-
bus, Guſtu, Viſu, & Olfactu; Guſtu ſi nul-
lam planè qualitatem præ ſe ferat; ſed vi-
deatur ab omni qualitate immunis. Viſu,
ſi pura, ſincera, & exquiſite clara. Olfa-
ctu, ſi eorum nil ineſt quæ in aquis vitio-
ſis eſſe olfactus teſtatur , vt ſunt Acidi-
tas, Putredo, Alumen, Salfedo, aliquod-
ue aliud vitium, quod nomine careat, vt
optime videre eſt, in lib. de Ptifana , vbi
Galen. probatiſſimam ponit illam aquam
eſſe ad conficiendam ptifanam, quæ tum
ſubſtantia , tum guſtu quidem , atque
odoratu, & colore diſcernitur, & nullam
exoticam referat qualitatem, hoc eſt non
exiſtat dulcis, non ſalſa , non acida, aut
acris,

acris, non grauiter olens, non putris, neq.
penitus alicuius exquisitæ qualitatis par
ticeps, sed prorsus simplex, & nullam a-
lienam qualitatem, atque immixtionem
habeat, quæ vel gustu, vel olfactu depre-
hendatur; atque ideo cum Gal in confi-
ciendo Ptisanâ, optimam, ac perlucidam,
requirat aquam, quanto magis nobis pro
nostra salute, pura, optimaque & ab om-
ni labe, & defectu immunda perquiren-
da est. Solebant Veteres Aquæ bonita-
tem pondere metiri, vt nostro hoc æuo
aliqui faciunt, neque re uera est hoc re-
probandum. nam si aquæ pondere æsti-
mantur, quæ leuior est, ea erit melior
Hipp. vero non intelligebat eam opti-
mam esse, quæ pondere est leuis; Sed ea
quæ celerrimè alteratur, quo ad partium
tenuitatem, & à calore transmutatur, &
per Anadosim, in corpus distribuatur, &
excernatur.

Anio fluuius noster Tyburtinus, præ-
ceps fertur à sublimi loco, in Ciuitatem:
iuxta illud Horatij, *præceps Anio, & Ty-
burti lacus.*

Anienem ortū habere à fonte Curtio,

& Ceruleo; in mōte Tebanorum vt Plin. lib. 3. cap. 12. ait Anieni nomen indidit Anius Rex Hetruscorum qui fuit filius Apollinis (vnde Virg. 3. Aeneid.

Rex Anius, Rex idem hominum; Phœbiq. Sacerdos.)

Qui insequens Coethegum filiæ raptorem, cum eum assequi non posset in fluuium insiliit, ibique extinctus, vt Anio vocaretur effecit. Aquam istam Anienis antiquitas potabat, & nunc quoque plerique sine vlla noxa potant.

Sed ad probandam bonitatem istius aquæ, exstant probatissima testimonia, non solum immense aqueductus moles, verum etiam Frontini auctoritas id denotat, qui ait, (*Cum Caius Cæsar parum publicis vsibus, & priuatis commodis septem ductus aquarum sufficere videretur duos ductus inchoauit; quod opus Claudius præclare absoluit. Alteram aquam, ex via Sublacensi, longe ab Vrbe 38. millia passuum delata, cuius origo eadem via Sublacensi 42. miliaria distat ab Vrbe, Anio nouus, vocari cæpit, cum alia etiam Anionis aqua, post hanc vetorem adiectionem*

asse-

asserit.) & etiam si ab hinc circiter quadraginta annis, nonnullas alias aquas, aliqui ex ciuibus bibāt, quarum vires, & qualitates seorsim, in suis proprijs capitibus à nobis erunt examinandæ. In præfenti tanquam ab antiquiori, nobiliori, sermonem facere decreui ab ista Anienis aqua quam etiam laudauit, Propertius eleg. 20.

Hic Anio Tyburte fluis, &c.
& Elegia 14.

Cadit in patulos lymphæ Anienæ lacus.

Atque adeò, non mihi multum facessunt negotium, illa Gal. verba 6. Epid. Com. 4. Tex. 10. crudiusculam, (scribēs.) esse huiusmodi Anienis aquam; cuius formalia verba ista sunt; videlicet, *Aqua Anienis fluminis*, quamuis multis alijs vitis careat, crudiuscula tamen est, ut neque celeriter in ipsa legumina, & olea, & carnes, elixentur, in quibus Gal. verbis non inuenio, Aquam Anienis fluminis Tyburtini esse perniciosissimam, nec esse saluberrimam; sed esse mediæ naturæ; dum ait, *crudiusculam esse*, non inter cru-

das totaliter, neq. inter inculpatas aquas
 esse enumerandam, tamē magis affirma-
 rem inter bonas, quā inter prauas aquas
 cōnumerandam esse, ex dictis qualitati-
 bus supra à Gal. in lib. de Ptisana enume-
 ratis, cum fere omnes illæ, quas Gal. ibi
 asserit, in ipsa Anienis reperiatur, & id
 magis corroborare videtur ipsemet Hip.
 lib. de Aquis locis, & Aere, *optimam*,
primo, (asserit,) illam esse aquam, quæ è
sublimibus regionibus, & terrestribus tu-
multis fluit, hæc enim dulcis, & alba est.
 (igitur cum Aqua Anienis ortum ha-
 beat, à sublimibus regionibus, scilicet à
 locis mōtuosis & petrosis, nullam aliam
 qualitatem prauam habere potest, ex di-
 ctis Hipp. nisi quod cruda sit.) *Secundo*
vero, Aquarum fontes, quæ è petris fluxe-
runt, crudas, etiā illas esse necesse est: vt in
 lib. supra citato Hipp. optime asserit, &
 quod Anio ortum habeat à sublimibus
 regionibus, vltra quod visuris optimè pa-
 tet, auctoritas etiam celeberrimi Plin. id
 probat lib. 3. cap. 12. *Anienem ortum ha-*
bere in monte Tebanorum. Statuendum
 hæc de causa censeo, Aquam Anienis
 nul-

nullam aliam qualitatem habere, nisi quod crudiuscula sit; vt superius ex Gal. sententia est dictum, cum ortum habeat è locis petrosis, per quæ etiam dilabitur, vt notatur 7. Aeneadum : *Gelidumque Anienem, & roscida riuis. Hernica saxa colunt, & 4. Georgicorum. Vnde Pater Tyberinus, & vnde Aniena fluente, saxosumq. seras Hippanis, & quæ sequuntur.* Hanc tamen prauam qualitatem, quia pauca est, secundum Gal. non est dubitandum, quin possit à Sole moderari; nec non etiam ab illo violenti motu, quo rapitur, per dirupata immaniaq. saxa, & quod hoc Sol præstare possit, scilicet aquam moderari, & à natura sua originalia remouere, inficiabitur nemo: dummodo radij solares, in ipsa aqua recipiantur per aliquod temporis spatium, & ista est expressa etiam Arist. sententia; de Aquis Nili, dicens; *illam moderatam decoctionem insignemq. alendi facultatem à Sole habere* vnde illud Imperatoris dictum, suis militibus. *Nilum habetis, & Vinum querite*, istud ego de Aniene affirmare possem, quod Arist. de Nilo; cum Anien-

nis Ripa ampla sit quoquo pacto, & etiã si arbores in aliqua parte sint, tamen à solaribus radijs, dum Sol oritur, & dum altam meridiei tenet stationem, vsq. ad occasum; semper in varijs ipsius fluminis partibus illustratur, addendo præterea, quod nullam miscelam limosarum aquarum admittat; necnon etiam cloacarum, atq. aliarum immundicierum in se recipiat ante quam in Ciuitatem perueniat, vnde ipsa aqua ad potandum hauritur. Demum cum venti Boreales ex opposito ipsius fluminis ductu spirent, efficiunt ipsam aquam quoquo pacto puriorem; vt fuit Placitum Hipp. & non ita crudã, vt asserere videtur Gal. ad quod corroborandum, accedit sententia doctissimi viri Laurentii Iouberti in suis Paradoxis asserentis, *aquas crudas agitatione, & motu per loca saxosa reddi meliores*. quam sententiam mutuatus est ab Hipp. locis superius citatis. Quamuis etiam Baccius vir nostro æuo eruditissimus in illo de thermis tractatu multis rationibus hoc idem probat, quorum repetitionem superuacaneam duxi fore; estq. etiam rationi

tionni consonum, cum ex motu, & agitatione res mutet naturam, & qualitatem; ex frigida, in calidam, & ex calida in frigidam: at cum aqua istius fluminis, ut superius dicebam, fere semper inter disrupta saxa dilabatur; ut aliquando in aliquibus locis ipsam aquam in tenuem puluerem, ac in rorem, cadere videatur; non est ergo ita absonum, quod ex isto tam violentissimo motu, aliquam aliam qualitatem, atque naturam, à sua originaria acquirere possit, id inficiabitur nemo; quemadmodum, nec ego auderem affirmare fontium aquas, ex quibus Anio originem trahit, non esse aliqua ex parte frigidiores, crudioresq. (quam sit ipsa Anienis aqua) neq. ita salutare, nec non etiã naturæ humanæ idoneas; ac si ubi nascuntur potarentur, *Cum frigidum sit inimicum ossibus, nervis, cerebro, & spinali medulla*, Hipp. in Aph. 18. lib. 5. quamvis etiam plerumq. innumeri morbi ab istis aquis potatoribus oriantur, quorum enumeratio non est huius loci, cum non de Aquis speciatim, neque illarum natura, qualitate, ac denu[m] effectibus

fectibus agere mihi proposuerim ; sed de Aquis solū Tyburis , & de illis quæ sunt potui idoneæ, & de cæteris quæ in isto solo nascantur , dicere obiter decreuerim .

Ex dictis ergo patet, Aquam Anienis non esse ita prauæ qualitatis , quæ sit à mensa, & à potu reiicienda, cum ex longa, veterum experientia constet, nullam malam , insignemq. bibentibus attulisse noxam, vel affectionem, attamen nullam aliam aquam ab initio conditæ Ciuitatis habitatores potarūt; & quamuis obijcere aliquis posset, quod, cum sæpe arenosus Anio currat, & perpetuo post se aliquid lutulentum ducat, & veheat, instar minutissimæ arenæ, lapilli; nō sit ipsius aqua ad potandum idonea; Hoc non solū prauitati aquæ, non est adscribendum, sed potius bonitati ; cum aqua stagnans non sit; colligere ergo vnusquisq. ex hoc potest: etiam si aliquis posset asserere, quod omnes aquæ fluminum, nisi resideant, calculum generare soleant , quia Cœnoscæ, Arenoscæ, aut Lutulosæ sint, at cum aqua Anienis non Cœnosa, non Lutulenta, sed Arenosa, ergo huiusmodi aqua lapillos, & are-

& arenulas in renibus generabit ; vt videre est in cannis, quæ in ipso flumine, per aliquod horarum spatium permanēt generare circum circa lapidē , quem tartarum vocant: sed hoc non est consuetum veritati , neque medicinæ dogmatibus, cum lapides, & arenulæ in renibus, non ex aqua arenosa, turbida, & lutulenta gignātur; (vt videre est in Canalibus, in Cannis , & alijs rebus quæ in flumine isto sunt) sed ex ignea renum caliditate , quæ est effectrix lapillorum causa, addita demū ipsa causa materiali , quæ est crassus humor, atque viscidus; & ista est communis doctorum sententia. Pauli, Aetii , & Gal. estq. etiam expressa Hipp. in lib. de Natura humana . Quod quoq. exemplo figuli clarius denotatur. Qui ex igne, & tali materia idonea, omnia vasa confecit, ita vt neque ab aqua vnquam dissolui possit , sed obijciet demum subtilis quidam studiosus, concedendo; quod ab exigua renum caliditate, lapilli generentur, tanquam à causa efficiente, sed causa materialis erit ipsamet aqua arenosa ; ad hanc obiectionem erit facilis responsio:

fio: Cum renes non attrahāt aquam, pro
 vt bibitur, sed humorem serosum, non a
 ventriculo, sed ab hepate, & à venis; &
 vltcrius responderi potest, quod aqua
 etiam si huius sit qualitatis in ventricu-
 lo, coctionis medio aliam acquirit qua-
 litatem, & illud uitium quod in aqua est,
 fecernitur, & à natura separatur. Et quā-
 uis de hac re multæ essent dubitationes,
 hinc inde soluendæ, sed nunc non est
 meum; at qui copiosissimum, ac doctis-
 simum cupit Tractatum, de aquis pro-
 creantibus calculum, videat impressum
 opus, *De Querelis Nephriticis*, à claris-
 simo viro meo amicissimo, Francisco Co-
 lutio, in Romano Gymnasio lectore pe-
 ritissimo, in quo diligentissime omnes
 dubitationes soluuntur.

Sed ad aliud Medicinæ fundamētum
 nunc deuenio, quod est instar sacrae an-
 choræ, ipsam nimirum experientiam, sine
 qua ars medica claudicaret, & quæ in
 rebus dubijs, & ambigujs optima est ma-
 gistra. Nullus, vel per pauci admodum
 sunt, qui in Tyburtina ciuitate renum
 calculis tententur; qui aquam Anienis
 bibant,

bibant, & hoc lōga mei Auunculi obseruatione doctus, qui per annos circiter triginta, medicinam summo cum honore Tyburi fecit; duos vel saltem tres, in suis manu scriptis Epidemicis inueni ab ipso fuisse curatos, quod etiam vsus hodiernus nobis ostendit, cum in dies iuuenes, & senes, & qui boni, vel mali sunt habitus istam Anienis aquam indifferenter bibant absq. vlla noxa; non solum circa renum vitia, sed nec etiam ventriculi symptomata: Quamuis (quod est admiratione dignum) imposita in ipso flumine arundine, cū per spatium viginti quatuor horarum moretur, tota tartaro, vel topopho cooperta inueniatur. Non esse lapillorū effectricē ipsam Anienis aquā asserere vltius possumus, cū habeat quid aciditatis, (vt separādo adnotaui) quę est causa potius destructiua lapidis quā fecus, & ideo Tyburtes illi qui aquam istā Anienis bibunt lapide (vt superius dicebā,) nō laborant, sed potius illis ventriculus labefactatur frigidusq. redditur, si ipsa aqua diutius quā par sit in ipso vētriculo ad concoquendum detineatur, cum
potius

potius ad aliqualem cruditatem ipsa
tendeat quam secus, sed ad hanc prauam
qualitatem remouendam, quam in ven-
triculo inficere esset apta, præsto est vsus
& quantitas Olei, quò Tyburtes in epu-
lis vtuntur, & quod hoc oleum præstare
possit, vbi de Olei Tyburtini qualitati-
bus differetur videbimus; & hæc pauca
de Anienis aqua dicenda habui.

De Aqua Reuellefia. Cap. VIII.

DE Aquis illorum fontium cum fin-
aliquid scripturus, qui in Tyburis
solo oriuntur, & de illis præcipuè, quibus
Tyburtes ad potandum vtuntur; occur-
rit primo loco aliquid dicendum de A-
qua Reuellefia vocata, & cur sic vocetur
nullibi adhuc inuenire potui, neq. istius
Ciuitatis incolæ norunt: at nominum im-
positionem ad placitum esse dicebat Phi-
losophus. Fons ergo iste multis à natura
dotibus exornatur, & optimas præ alijs
fontibus qui Tyburi nascuntur conditio-
nes; & qualitates habet, cum ad ortum
Solis nascatur, & currat, cumque hoc sit
pro-

proprium bonarum aquarum argumentum, afferente Hippocr.lib. de Aere,&c.
Quarumcunque fontes ad ortus solis, se habent eæ quidem optimæ, ipsæ se met ipsas sunt. Surgit enim ista aqua in acclivio montis ad orientem, duobus distans ab Vrbe Tyburtina milliarijs, semperq. clara currit,& nunquam turbatur, cum semper sit limpidissima,gustui grata, potius ad dulcedinem aliqualem accedens, quam alterius saporis: & istæ sunt conditiones, & qualitates huius aquæ: Quâvis etiam Pisces nutriat, Ex quibus colligere est Aquâ hâc simpliciter meliorem esse,quin sit ipsa Anienis, cum ista sit leuior,& splendidior, & hæc omnes proprietates habeat; quod nimirû ad ortum Solis,& oritur,& currit. Sol enim orientales regiones magis,quam occidentales calefacit.Sententia est Hipp.lib.superius citato,& ad probandum huius aque præstantiam est, illud Hipp. satis ornate dictum lib.de Vulneribus, in quo habetur.
optimæ illæ aquæ sunt, quæ decurrunt de locis altis eæ dulces, & albæ sunt, modicumq. vinum ferunt, per æstatem vero fri

gescunt, per hyemem calefcunt, quæ verba ad amiffim explicant naturam, ac effentiam Aquæ Reuellesia.

Sed vnum est quod dubitâdi ansam tribuit aliquibus ex nostris viris sane eruditis, (quorum nomē silentio inuoluam) quod postea posteritati errandi occasionem præbuit, hoc est quod dicunt istam nimirum aquam Reuellesiam statim ac nascitur, in quodam vase colligi, & ex illo postea per subterraneos ductus, in Tyburtinam Ciuitatem transportari; ergo ista aqua non erit bona, cum à radijs solaribus non possit rectificari, vt superius ex sententia Iouberti, quæ deprompta est ex Hipp. monumentis; cum radij solares hac sint virtute præditi, ergo non est ita bonæ qualitatis sicuti est aqua Anienis: immo hoc potius bonitati Aquæ Reuellesie, quam alteri qualitati est condonandum; quia cum huiusmodi aqua omnes optimas qualitates bonarum aquarum à suo originario fonte trahat, si radijs solaribus prorsus esset exposita, ad puriorem naturam transfiret, & potius prauitatis, quam maioris bonitatis causa esset; cum

ad

ad naturam aque elemētariæ accederet ;
 quæ ex Hipp. est potu pessima. Attamen
 quidam dicere vltcrius posset ; Anio etiā
 oritur ad Solis ortum , ergo non est di-
 spar ratio, cum sit & ipse lucidus, splen-
 didus, & habeat omnes qualitates, quas
 habet aqua Reuellesia ; sed hoc est in
 Hipp. verbis notandū. Quando ait, *Qua-
 rumcumq. quidem fontes ad ortum Solis
 se habent hec quidem optima se met ipsis
 sunt, &c.* Quidam his verbis significari
 velit, & qua de causa has aquas optimas
 esse simpliciter nō dixit, crediderim ego
 Hipp. voluisse illis verbis, quod omnes
 aque quarū fōtes ad alias cœli regiones,
 ac Plagas vergunt, ijs conferantur, & illæ
 quæ ex fontibus fluunt, qui ad orientem
 Solem sunt siti, & currunt versus orien-
 tē, eas optimas esse ait, ceteras vero, quæ
 ab alijs fontibus manant, qui ad æstiuum
 ortum spectant, eas deteriores esse, & sic
 de cæteris aspectibus, qui ad hybernū,
 qui ad Autūnale aspectū oriūtur idcirco
 dixit illas aquas se met ipsis optimas ef-
 se, cū omnes orientē solē semper spectet
 & currant. Quod cum ita nō succedat in

Aniene ideo non est tantæ bonæ qualitatis ipsius aqua, quemadmodum Reuellesia, quippe cum nascatur, & currat versus orientem, etiam si non currat, dum ad Ciuitatem labitur, ob hoc non inferatur, quia motus, & cursus eius primæus non sit versus orientem, vti etiam esset, si non impediretur, quod Anienis aquæ nequaquam accidit. Immo leuitas istius Reuellesia maior est, quam fluminis Anienis, cum facilius in ea carnes, & legumina coquantur, vt notauimus superius ex Gal. sententia, & vsus quotidianus adauget præstantiam, cum à Medicis huius loci agris cruda propinetur absque vlla coctione, & eo modo, quo à fonte hauritur: Anienis autem, nisi ad ignem feruerit, agris non condonatur; hæc de Aqua Reuellesia volui adnotare.

De Aquorij Aqua. Cap. IX.

Non me fugit, meum etiam esse de Aqua Aquorij vocata (sed vt melius dicam Aqua Auri corrupto forsitan vocabulo ex duobus vocibus vna sic fa-

cta

Et relictis litteris A, & V. & mutatis A, in O, & sic Aquorij sonat vox in hoc de Tyburtino Aere tractatu aliquid in medium afferre, vt voluntati aliorum, opinioniq. mea satisfaciam; Fons, & Origo, istius aque, vt videre est, ad occasum Solis spectat: & in hoc fonte radij solares nunquam recipiuntur, præter quam dum Sol mediam, coeli stationem tenet; semper limpida est, optimaq. præ alijs aquis, quæ Tyburi nascuntur, ab habitatoribus censetur; Diaphaneitatem maximam habet, adeo vt si aliquid iniiciatur, optime, & sine vlllo impedimēto perspiciatur etia si ad quindecim, vel viginti altitudinis cubitos perueniret. Aestate frigidissima, Hyeme calida; Pisces non nutrit, citissime stomacho ad vesicam transitum habet, præ alijs aquis Tyburtinis pondere est leuissima, gustui dulcis, cruda agris præberetur, & sine vlla noxa. Vires, qualitatesq. istius aque, sicuti, & aliarum, dum Tyburi essem obseruaui, ponderauiq.: ac satis mirabar mecum ipse, quomodo huiusmodi aqua, cum nascatur in tam infimo loco, in valle ad montis radicem,

prope flumen, ad occasum Solis, esset
 tam eximiæ qualitatis, & bonitatis; etiã
 si aliqui Venatores qui sæpe sunt obser-
 uantes agrorum circa aquarum portiones
 (venatio enim sitim canibus, & venato-
 ribus inducit) mihi retulerunt, hanc a-
 quã in vertice illius montis, ad cuius ra-
 dicem oritur, in quodam montis forami-
 ne, istius aquæ murmurationem audiri;
 sed quomodocunq. sit, cur tam eximiæ,
 & bonæ est qualitatis? Hanc admira-
 tionem quamdiu habui, & nemo præter
 aurea illa Hipp. verba superius citata in
 lib. de Aquis, &c. è mente Animoq. de-
 leuit. *Quarumcumq. quidem* (inquit)
fontes, ad ortũ Solis, se habet, hæc quidem
optima ipsæ se met ipsis sunt; secunda ve-
ro, ab illis sunt quarum fontes mediam
regionem inter occasus æstiuos, & hyber-
nos spectant, istas omnes aquas, quæ na-
scuntur in hisce locorum aspectibus, opti-
mas esse: Atque ideo cum ista Aquorij
 aqua ad istos nascatur aspectus, optima
 est (ob quam bonitatem Tyburtes Auri
 nomen imposuerunt, & corrupta voce
 Aquorij vocarunt) oritur enim, inter
 æstium,

æstium, & hybernum Solis occasum. nam fontes, qui ad istum aspectum sunt positi, satis à Sole calefieri attenuarique possunt; qua propter illius aque satis læves, puræ, ac splendidae sunt; si quidem Sol in æstiuo occasu, neque in media regione inter æstium occasum, & hybernum ita debilis est, ut in hyberno occasu: Quamobrem aquæ illæ, quorum fontes hybernum occasum spectant, calidiores, crassiores, ac frigidiores sunt, quam opus est. Indicium vero tutum bonitatis harum aquarum est, illas æstate frigidas, hyeme vero calidas esse; id vero contingit huic aquæ Aquorij à qua bonitate motus, & ductus *Illustris. Card. Coesius.*

Villam suam Amantissimam tametsi ratione loci exiguam, sed bonitate aquarum gratissimam exædificauit, atque ornavit; ubi suas felices quietes, ac dies calidos, cum istis aquis temperabat, & egritudinē cū sanitate commutabat saepius.

Sed iure optimo aliquis studiosus percontaretur, qua nam ratione fieri possit, aquas quæ è profundis fontibus pullulāt, hyeme calidas, æstate frigidas esse, & cur

istę eadem aque sint cęteris pręstatio-
 res: à qua profecto difficultate paucis me-
 expedire possũ; cur aque, quę à profundis
 fontibus oriuntur, hyeme calidę sint, ęsta-
 te frigidę, vt Hipp. supra loco citato do-
 cuit, hoc fieri per Antiparistasim ab om-
 nibus videtur receptum, qua propter non
 erit ab re aliquid de Antiparistasim in me-
 dium afferre; quippe illa cum non sit nisi
 circum obsistentia quędam calidi, circa
 frigidum, & frigidi circa calidum, hanc
 autem nullam esse Gal. 3. de simpl. med.
 facul. affirmavit; Quamuis sibi ipsi videat-
 ur contra dicere, cum in comm. 15. Aph.
 1. sect. rationem reddat; quare ventres,
 hyeme, & vere sint calidissimi; *Eos hye-
 me calidissimos esse (ait) quoniam calor
 cali ipsum ambientis, frigiditatem refu-
 giens, in intimas corporis partes se recipit,
 ęstate vero in ambientis aeris calorem,
 veluti in sibi similem, se diffundit.*
*Ideoq. intima animantium partes hieme
 calida, ęstate vero frigida sunt.* hac ea-
 dem ratione ego dicam, intimas terrę
 partes ęstate frigidas, hyeme vero cali-
 das esse, fontesq. & puteos, qui ex inti-
 mis

mis terrę partibus nascuntur, hyeme calidam, ęstate frigidam habere aquam. Sed quoquo modo ista antiparistasis calidi frigidiq. fit, an calidum in locum frigidum, & frigidum in locum calidi succedat, accidens enim de vno subiecto in aliud migraret, quod esset contra firmissima Arist. documenta. An calidũ, quod in intimis terrę locis est, in se colligitur, quod terrę superficies, à frigiditate Cœli, quę eam ambit, densa, ac dura reddatur; qua de causa cum calor ipse perflatum habere non possit, in se colligitur, multiplicaturq. & aquas, quę in illo loco gignuntur, calefacit, Aestate vero, quia terrę superficies à calore Solis extenuatur, & rare fit, ideo calor, qui in terrę visceribus est, perflatum habet, & in calorem Solis veluti in sibi similem diffunditur, vt dixi; Quamobrem intimę terrę partes frigide redduntur, & aquę quę inde oriuntur, frigide sunt; sed si quis exactius hanc rem inquirere cupit, & quam ratione calor, qui in terrę visceribus includitur, aquas calefaciat, adeat Hipp. lib. de Natura Pueri, qui apertis verbis,

hoc declarat, & hæc de Antiparistasi satis sint explicasse; ne aliena alicui videatur, & erronea esse illa opinio quam de aquis habent, quæ estate sunt frigide, hyeme vero calent, eas esse bonas, quia eæ mutant naturam; cum potius ridicula sit ista, quam prudens obiectio, cum videamus ex Gal. in Commen. 15. prima Particula Aph. *Ventres hyeme calidos, æstate frigidos*: tamen non mutant naturam, nec temperaturam.

Concludam ergo secundum Hipp. dogmata à me superius recensita, quæ ipse in lib. de aquis, &c. enumerat, aquam istam Aquorij præ ceteris aquis Tyburis optimam esse, nec ob stare (friula illa obiectio) quod pisces non nutriet: cum id potius bonitati, quam secus tribuere possimus; cum Pisces ad depurandam, ac defecandam aquam apti sint, quod minime est necessariū prædictæ Aquæ; ideo illos non nutrit, præsertim, quia nutrimentum eorum non continet, & propter nimiam frigiditatem fortasse pereunt.

De Aqua Fontis Sancti Angeli.

Cap. X.

INdubitatum est, fontem quendam
nouum Tyburi ortum fuisse Anno
circiter 1550. quem Tyburtēs S. Ange-
li, communi vocabulo appellant, cū pro-
pè S. Angeli Ecclesiam scateat, tertiam
fere milliarij partem ab vrbe Tyburtina
distantē cuius aqua egris cruda, & vt è
fonte venit conceditur, quod meo quidē
iudicio non ritè fit, cum huiusmodi aqua
non vacet nec vitio, nec culpa; non ha-
bens bonas illas qualitates, quas supra
ex Hipp. de bonis aquis retuli; cum in
conualle nascatur, ortui Solis auersa,
nec omnino radijs solaribus exposita,
cum ad meridiem nascatur, eē enim
Aque ex Hipp. in lib. de Aquis, & c. pes-
simę sunt, & valde malę; Aqua istius fon-
tis vena parua est, & in ęstate mediā sic-
catur, deperditur, & non currit, neque
apparet: vnde sum ex illorum opinione,
videlicet huiusmodi aquam non trahere
originem à mari; quemadmodum fluuij,
alijq.

alijq. fontes trahuunt, & currunt tam in media, & sicca estate, quam in cœteris anni temperibus: At cū huiusmodi fons in estate media, & in sicca præcipuè non fluat, potius ex terrę cuniculis ducere originem existimarem, vt docuit philosophus, mediautibus tamen hybernis pluuijs in illam conuallem ex altis, & temporaneis ductibus, qui circiter sunt aggregatis, quam ex mari ortum ducere.

Statuendum igitur opinor, Aquam istius fontis crudam omninò esse, cum ex glacie, niue, & hybernis imbribus sit genita, & ducat principium; Imbrium aquarum qualis sit qualitas, atque natura, expressa est Hipp. sententia lib. desuper citato, *frigidas et crudas omnino esse*: qua de causa istius fontis aquæ, non sunt ita bonę qualitatıs, vt sunt alij fontes superius enumerati, & quod deniq; aqua ista sit cruda est expressa Andree Bacci sententia in suo illo de Termis tractatu: Ideo multum errant illi, qui Tyburi medicinam facientes & hęc aquam egrotis crudā propinant, & hęc breuiter adnotare volui.

De Aqua Ferrata. Cap. XI.

Non solum medico optimarum aquarum est vis consideranda; verum etiam aliarum aquarum usus, prout humano corpori idoneus, vel inutilis sit, ideo meum etiam est, aliquid de ceteris huius regionis aquis; quæ non sunt ita potui idoneæ recensere. Oriuntur pariter in Tyburtino solo, & Sulphuræ, & Acetosæ, & Ferreæ, & alterius saporis, & qualitatis aquæ, quarum vires veniunt considerandæ in præsentiarum. Enim vero scire est, illi aquæ, quam vocant nostrates (la Ferrata) ratione loci, nomen illi forsitan impositum fuisse à sapore, quem ferri credunt esse: decepti tamen sunt non ob aliam causâ, quia sic ille locus, vti pariter & aqua appellatur. Sed longè erronea est ista met denominatio, quo ad observare potui; vt ex infra dicendis quisq. colligere sanè poterit.

Animaduertendū in primis est, aquas, quas optimas ad potum esse Hipp. existima-

stimauit, illas dulces, & albas esse: & quare hæ duæ qualitates requirantur, ab eodem diffuse ibi probatur. Ideo cum ista Ferrea aqua non sit dulcis, optima, non erit, etiam si sit alba.

Malæ quoq. sunt aquæ, quæ è terra, scatent, referentes naturam, & saporem Ferri, vel Aerijs, Argēti, Auri, Sulphuris, Vitri, Aluminis, vel Bituminis, quæ ideo ab Hipp. malæ habentur, quoniam, omnia ista metallica vi caloris fiunt, quam obrem è tali terra aquæ bonæ nō erumpunt, sed duræ, & aestuosæ.

His igitur positis, affirmare est istam aquam non ferri mineram habere; sed sulphuris potius, cum aliqua admixtione aluminis, vt ex ipsius qualitatibus videre est, pariter etiam ex effectibus, *cum causæ ex effectibus innotescant.* secundum Philosophos, & Medicos, cum videantur lapides, qui in hac aqua sunt ad rubedinem vergere, & hanc acquirere, si diutius in aqua morentur. Rubedo enim non inducitur nisi à calore, vt clarè apparet in lapidibus igne decoctis: Sed cū Sulphur, & Alumen sint mixta, ambo calida;

lida, sunt in causa, quod isti lapides ibi reperti sint aliqualis rubedinis; quod nō ita esset si minera istius aquæ esset Ferræ.

Sed ex effectu melius rerum natura innotescit. Potāti enim huiusmodi aquā statim haec aluum soluit lotiumq. mouet, Ferrum deniq. vel vt melius loquar; Aqua Ferrata potius astringendi; quam secus est facultatis; vt optimè norūt medicinæ periti; & vsus quotidianus demonstrauit. Odor enim, & gustus huius aquæ Sulphuris naturam redolet; vt ex longa experiētia, dum Tyburi essem, obseruaui; Ideo non esse potui quotidiano idoneam statuo; præcipue si ad longum tempus potaretur. Quamuis non desinant, qui illam bibant, & illi præsertim; qui agros, & possessiones propè, vel circiter colūt, & nullam noxam illis infert, præter qualitates supra enumeratas, aluum ciere, lotiumque mouere apparet, quod etiam omnis aqua sulphurea præstare solet, vt inferius in sequenti capite videbimus expresse. Hęc igitur de qualitatibus, sapore, vtilitate Aquæ Ferratæ

nun-

nuncupatae dicere volui . Sed ex ortu
 istius aquae vltcrius colligere sat vnus-
 quisq. potest, non esse potui idoneam, si
 perpetuo illam homines potarent, cum
 ad meridiem oriatur : aquas enim illas
 Hipp. quae ad hanc Solis posituram or-
 tum ducunt, *malas esse* dixit in lib. de
 Aquis, &c. solet vltcrius eodem libro il-
 las aquas vocare, quae saporem aliquem,
 metallicum habet, *indomitas*, praeter qua
 quod difficulter concoquantur, & pra-
 cordia tarde pertranseant; quamuis ipse
 Hipp. dum inquit (*falsas indomitasq.*)
 eas vocandas falsas, omnem saporem, qui
 in aquis esse possit, significare voluerit.
 Atque ideo hanc aquam Ferratam
 non conuenire cenfeo vti potum, sed vti
 medicamentum hominibus, ob rationes
 superius allatas, cum Lotium, Al-
 uumq. mouere, ventriculum aliud
 corroborare apta sit: *hanc* volui di-
 xisse.

De

De Aqua Sulphurea, seu Albula.

Cap. XI. I.

Qui sanus est, ac bene valens, quamcumq. aquam bibere debet Hipp. lib. de Aquis, &c. dūmodo nō ea palustris, lacustris, medicamentosa, nec graue olens sit, quod etiam Cornelij Celsi placitum fuit non solū de aque vfu, verum etiam de cōteris omnibus rebus, quæ sanitati tuendæ idoneæ sunt, (cum inquit) *sanus homo, qui & bene valet, & suæ spontis est, nullis obligare se legibus debet, neque medico, neque iatralipta*; non medico, quia opus medici est sanitatem restituere, & conseruare Iatraliptæ vero bonum colorem, & vires inducere, ac rationem habere, vt perbelle etiam Cicero lib. i. Epist. familiarium Epist. 9. dicebat.

Colligitur itaque ex Hipp. verbis supra citatis *aquas palustres non esse potui idoneas*, ideo illas præteribo, etiam si per pauca in Tyburtino solo sint. Sed vnā non relinquam intactā dubitationem, de

de aqua scilicet Sulphurea ; quæ quamuis, & ipsa lacustris sit, non est ad bibendum in mensam afferenda ; sed multas alias vtilitates corporibus affert: idcirco illius vires, & qualitates, quo ad potero examinabo .

Et in primis, ortus istius aquæ in planitie est, tria ab Vrbe Tyburtina millia-ria distans ; vti proficiscentibus Tyburi perspicuum est ; cum per viam, qua Romam itur, hæc aqua permeet . Locus in quo nascitur ad meridiem est expositus in formam Lacus ; quamuis in illa Campanea, hinc inde varij istius aquæ Riutuli pullulent ; maior tamen copia & quantitas est illa, quæ è Lacu scatet .

Non defuerunt inter antiquos, qui de huiusmodi aqua memoriam posteris tradiderunt , vt satis dilucidè Vitruuius hisce verbis scribit, *sunt etiam odore & sapore non bono frigidi fontes , qui ab inferioribus locis penitus orti per loca ardentia transeunt , & ab eo loco per longum spatiū terræ percurrentes refrigerati perueniunt supra terrā, sapore, coloreque corrupto, vt in Tyburtina via, Albula, & in Adea-*

*Adeatino fontes frigidi, odore qui sulfura-
ti dicuntur : & Pausanias Auctor recon-
ditarum rerum indagator solertissimus
hoc de Tyburtinis Albulis dictum pro-
tulit ; Iuxta Urbem Romam Anienem
transmittentibus flumen, Albi latices re-
periuntur, qui primo statim in eius ingres-
su, adeo gelidi, rigentesq. sunt, ut frigus, ri-
goremq. non mediocrem causent, manen-
tes autem in illis paulum, perdurantesq.
adeo calefaciunt, ac si ex pharmacis igneū
quippiam excalesfactorium ebibissent. Nō
paruæ igitur admirationis ei fuit ista Al-
bularum aqua, atque adeo statim sub-
nectit hos albularum fontes cum ex om-
nibus, quos ei videre contigerat, maxi-
mè digni admiratione visi fuerant: Ve-
rum eorum naturā non subtacuit quoq.
Strabo, in hac (ait) Planitie Anio fluit,
& quas nuncupāt Albulas aquas frigidas
multis ex fontibus exeuntes, varios ad
morbos salutare, cum potu tam incentio-
nibus admixtas. Martialis etiam easdem
suis carminibus celebrat.*

*Itur ad Herculei gelidas qua Tyburis
arces.*

Canaq. sulphureis Albula fumat aquis.
Vnde illas Plinius *Iuxta Romam decur-*
rentes prægelidas vulneribus esse meden-
tes, dixit. Minera Sulphuris est, necnon
etiam aliquid Bituminis habet, semper
calet, potius medicamentosa esse po-
terit quam potui idonea; cum expers sit
illarum qualitatum, quas supra de Aquis,
quæ in potum vti Alimentum veniunt
narraui; cum potius aduersissimam habet
naturam, cum sit gustui in pura, sulphu-
rea, vsu atque aspectu sit albula, odoratu
denique qualitatem sulphuris præ se fe-
rat; sed vnum obseruandum est. Quod fu-
mus qui exhalat ab ista aqua, indicat
substantiam terrestrem in ea contineri
valde ignibilem. Foetor vero, indicat ip-
sam esse valde indigestam, & non termi-
natam; sed potius calore corrumpente,
esse corruptam, & digestionem completam,
& hæc est quoq. causa, quod sulphur sit
vniuersalis materia omnium metallorum:
est autem calidum, & siccum, ad quar-
tum fere perueniens gradum, vt ex Aui-
cenna, & Dioscor. colligitur. Propter has
igitur qualitates erit e mensa delenda
hæc

hæc sulphurea aqua, etiam si multis morbis depellendis sit idonea, vt ex Antiquis Balneorum vestigijs, ac monumentis, quæ propè ortum ipsius aquæ hodie videntur, colligere possumus; quod est signum manifestissimum Antiquis temporibus hanc aquam ad varios depellendos morbos vsui fuisse, etiã si hodie huiusmodi lauandi vsus sit abolitus, cum illa careant commoditate, quæ vsui esset opportuna, vt homines commodè lauare se possent: attamen vsum istarum aquarum ad varias ægritudines optimum esse adnotaui, expertusq. etiam atque etiam fui. Sed præcipuè ad omne genus Scabiei, & Elephantiasis, vt in quodam iuvene Romano contigit hoc morbo laborante, qui cum in istam aquam sæpe sæpius se lauasset, sanus ab illo rebelli morbo euasit, & hoc fuit factum meo consilio. Quamuis sit quoque expressa Gal. sententia lib. i. de simpl. Medic. facul. *Vlceribus idoneas esse, & illis quoq. qui fluxionibus tentatur.* testatusq. est primo de sanit. tuend. immo 4. de Pulsuum prælag. *Loturam istius aquæ hydro picis optimam esse,*

esse, vt ex Matthioli sent. lib. 5. cap. 14 colligitur. Sulphureas omnes excalefacere & siccare voluit, immo efficaciter illas nervos emolliunt, ac proinde resolutis, convulsis, tremulis stupidis contractis, peridonea inueniuntur: eadem compaginum tumores discutunt, & dolores mitigant, nam ubi quispiam coxendicum dolore, aut Podagra, vel Chiraga vexatur, Sulphureosæ aquæ Balneo magnopere iuuatur. Præstant etiam ad iecinervis, Lienis, ac vteri dolores, atq. tumores: in ijs genitos, mirifice, resoluunt; ventriculum laxant. non est ab re ergo has optimas qualitates hanc quoq. aquam habere; cum videamus multas aquas in varijs Italiæ locis esse commendatas pro diuersis ægritudinibus salutare, quæ vel Sulphuris, vel Aluminis, vel Ferri, vel Natri, atque alterius mineralis naturam, & qualitatem referant. Cuiusmodi sunt illæ quæ scatent propè ciuitatem Viterbij, & in Castro Sancti Casciani, ac in Senarum Ducatu, quæ ad varios affectus atq. morbos fugandos sunt per idoneæ; cum in sua minerali origine, atque ortu, alijsque

que habeant annexum Sulphur atq. Alumen, vt optime illarum vires ponderaui, atq. indagaui, cum ad ista Balnea, pro curatione Illust. Equitis Rom. accersissem.

Albulæ præterea interprete Galen. 8. Meth. dicuntur aquæ Aluminosæ, cutem lauantes, mirum in modum astringētes, & vlceribus medentes; cuiusmodi Strabo, non paucas esse in Agro Tyrburtino dixit, & est illud etiam. Virg. 7. Aenead.

Lucosq. sub alta

Consulit, Albunea nemorum quæ maxima sacro

Fonte sonat, seuamq. exhalat opaca.

Mephitis.

At notandū est quod Mephitis, esse quid maximi odoris, hoc. n. perbelle adnotauit Virgil. cū maximus percipiatur naribus odor harū aquarum, cum aliquis propè illas sese conferat; vti quotidianus vsus testificat illis qui illuc pertranseunt.

Non erit igitur præter rationem, si Aqua Tyburtina Sulphurea, seu Albula ad varios morbos, multasq. ægrotudines, depopulandas ipsa quoq. apta, idoneaq. ac saluteris esse possit; cum istius aquæ

Minera maior sulphuris sit pars, cum aliqua vero admixtione aluminis, vti dicebatur superius . O vtinam profecto in animum Tyburtinorum caderet, hæc Balnea refarcire ; quod valde clarum esset quanta in dies vtilitas corporibus neutris, ex ipsamet aqua suscitaretur, & hæc obiter dixi, cum non desinant scriptores qui de hac Aquarum Termalium re, cumulatius scripserint.

Qualis autem fuerit præcipua causa, quod Aqua Tyberis, super omnes alias aquas, vti saluberrima laudetur à Petronio, contra quam opinionem, inuehit Colutius de Aqua Tyberina & Mercurialis in sua praxi, & Cardanus lib. de Prouidencia ex anni constitutione; quoniam his rationibus erat ductus, vtpote Primo dicunt aquam Tyberis difficulter putrescere, Secundo claram esse, tertio in Tyberim Metallicas aquas ingredi, quæ aquam tenuiorem, ac salubriorem faciunt ; immo ab eodem Colutio multæ aliæ afferuntur rationes solutæ, quas si referre vellem, magnam suscepissem prouinciam, & à meo instituto ab errassem,

fem, cum de Tyburtinis Aquis, & Aere dicere proposuerim non de aliorum locorum aquis; Hæc igitur disputatio, aliterius erit loci, ac interim curiosius videas citatos Auctores.

Hoc vnum tantum cum doctissimis viris affirmare liceat, totam illam bonitatem, quam aqua Tyberis habet, habere ab Aquis Tyburtinis, primum ab Aniene, demum ab Aqua sulphurea, quæ est tanquam anima (metaphoricæ loquendo) Aquæ Tyberis, cum si ista non esset, pessimas in se qualitates haberet, quippe multas palustres, & cœnosas, atque lutulêtas aquas Tyberis Alueus recipiat. Quæ omnes in causa essent, vt pessimæ, ac prauissimæ qualitatis essent, si ab aqua sulphurea non rectificarentur.

Ciuitas itaq. mea Tyburtina, multis à natura dotibus est exornata, cum non solum optimum Cœlum, & Amenissimum situm habeat; Sed non desunt etiã tum Boreales flatus, tum Fauonij spiritus, ad illam expurgandam. Si quid mali, ex Stellarum cursu inesset; oleiq. ceterarumq. rerũ victui necessarium, in su-

premam Bonitatem est foecundissima, & quemadmodum non defuit in esculētis, ita etiam manca nunquam fuit in potulentis natura; cum optimas aquas in isto solo hauriri fecerit, & aliquas etiam quæ ad expellendos morbos vtilēs apprimē essent, quemadmodum est hæc Sulphurea, & vt summatim dicam Aqua omnis Mineralis eandem facultatem habet, quam habet illud, quod admiscetur. & hæc pauca de Aqua Sulphurea volui attulisse, cum multi multa exarauerint.

De Pluuiialibus Aquis. Cap. XIII.

VT nil intactum à me relinquatur in hoc tractatu, iure merito, de caeteris aquis, quas Tyburtes præcipue potant, erit aliquid dicendum, scilicet de Aqua Pluuiæ cum hanc aquam quoque multi ex nostris potent. Cum fere omnes domus suas habeant Cisternas, vt aquæ quæ è nubibus descendunt recondantur, quas deniq. ex illis locis ad potandum hauriunt, nulla adhibita cura, & diligentia inter bibendum.

De

De Pluuiarum bonitate controuer-
fiam non inuenio apud Medicos, cum
Hipp. *omnium aliarum aquarum præ-
stantissimam, leuissimam, dulcissimam,
tenuissimam, ac demum splendidissimam
pluuialem esse existimauerit*. in lib. de
Aquis, &c. Sed illa nimirum, quæ æsta-
te media, silente Cœlo pluuit, alia ve-
ro, quæ eodem tempore, cum tonitruis
descēdit, *tonitruosam* propriè appellauit,
& non omninò optimam, sicuti etiam &
illa quæ maxima aeris, ac vëtorum pro-
cella terrifico tonitruum fulgurum, &
grandinis impetu velociter concitatis
nubibus è Cœlo dimittitur, vt optimè à
Gal. 6. Epid. in humanæ vitæ vsum non
fuit habita: Sed porro aqua Cisternarū
non tot sanè laudibus commendanda
videtur: licet à multis medicis laudetur;
cum non solum noxia sit, cum miscela
quædam sit multarum, diuersarumque
aquarum, quæ in diuersis anni tempo-
ribus inibi ex pluuiâ colligitur, tum ex
glacie, necnon etiam ex niuib. hyema-
li tempore in tectis colliquatis. Immo
sunt vltèrius malæ, quia aquæ omnes sta-
tio-

tionariæ putrefactioni faciliè redduntur obnoxia, quo fit, vt aqua in Cisternis collecta (si rem rectè examinemus) purè, & sincerè pluuiali minimè sit comparanda, ergo non bona, saltem respectiue videtur, ac propterea statuendum censeo, aquam, quam Tyburtes ex cisternis ad potandum hauriunt, esse potius malâ, quam bonam, ex dictis supra, cum istæ aque in istis cisternis ex qualibet pluuiâ, in quolibet Cœli statu coaceruentur, non solum ex imbris, verum etiam ex glaciè, grandine, & in quauis coeli positura. Aque enim istæ, quas noxas afferant, satis expressa est Hipp. doctrina, verum etiam Gal. cum concoctionem impediunt, vrinam cohibeant, laterum dolores flatuq. generent, & multa alia denique incommoda faciant, quae breuitatis studio præteribo. Et nulla alia de causa hoc euenit, nisi quod in glaciem, vel niuem cōcreuit omne, quod tenue inheuerat : Ideo istius aque vsus non erit simpliciter bonus, nisi optimam in recipiendo hanc pluuialem aquam diligentiam, atque studium adhibeant, & illæ aque,

aque, quæ ex tonitruis, & procellosis
proueniunt temporibus, in cisternis non
recondantur, neque etiam illæ quæ ex ni-
ue, glacieq. coaceruantur; sed tantum il-
la est recolligenda, quæ silente Coelo, &
aestate media descendit, ac saltem illa,
quæ sine tonitruis, glacie, niueq. descen-
dit, atque adeo optima erit aqua cister-
narum, vt notabat Hipp. lib. de vulneri-
bus circa finem, asserens *Pluuiiales aquas*
leuissimas tenuissimas, limpidissimas, di-
lucidissimasq. esse, &c. alioquin omnes il-
los affectus bibentibus asferet, quos su-
pra narraui, & longe plures, quamuis in
cisternis Tyburtinis, in quauis Coeli sta-
tione, & nulla adhibita cura, & diligen-
tia, recondatur, nil noxium videatur
asferre bibentibus, ob nullam aliam ra-
tionem credo, nisi quia temperatus sem-
per in quolibet anni tempore Aer istius
Ciuitatis est, vt demonstratum.

Haec pauca de Aqua Cisternarum
dicere volui, vt cumulator hic breuis
tractatus foret, quamuis multa plura di-
cere circa id possem; sed cum de Aquis
proprie, & simpliciter scribere non pro-
posue-

posuerim, Sed de illis quatenus ad bonum Aerem conducant, si bonae, vel mae in illo aere nascantur, ac ab habitatoribus illius loci potentur: volui significare.

De Lapide Tyburtino, & Bellarijs.

Cap. XIV.

Praetereundum sedulo non videtur, aliquid dicere; de Tyburtina Lapidicina, & in calce huius tractatus, adnotare; quae, & si nil ad salubritatem aeris conducat, tamen cum in Solo Tyburtino nascatur, & effodiatur pauca dicam. Lapis enim Tyburtinus, non solum Antiquis, ut ait Plinius; sed etiam nostris temporibus in usu fuit, ut testimonium praebent Mirabilia, & pulcherrima Romanorum Lauacra, superbissima Palatia, solidissima Amphitheatra, Lapide Tyburtino constructa, Splendidissimum quoque novae Urbis in Vaticano Templum atque Palatium, tantum visentibus confert stuporem, ut aliarum Ciuitatum possit miracula superare, & demum nihil est in antiqua, & nova Roma pulchre constructum,

Etum, quod non fit, ex isto lapide expositum exornatumq.

Haec igitur Lapidicina est in amoenissima planitie, & parum ab Aqua sulphurea distate. De ortu, & generatione lapidis esset mihi aliquid dicendum, at cū non fit huius loci, ideo missa haec faciā, & aliquid etiam esset dicendum, de origine Bellariorum Tyburtinorum (vulgo confetti di Tiuoli) generantur enim in eadem planitie, ex aqua sulphurea; quae vi solis, in media aestate, ex Aqua illa sulphurea, quae per planitiem illam serpit, efficiuntur, non sine magna admiratione, & nostrae Ciuitatis splendore. Nam sicuti natura in coeteris rebus, vitui necessarijs abundantissima est in hac patria, ita etiam & in istis Bellarijs, cum ex Zaccharo efficere minimè posset ex ista materia modum efficiendi adinuenit, vt nihil in ista ciuitate deesse, desiderariq. videretur, quae in lautis coenis expetere solent Delitiosi.

Et haec de Vinis, Aquis, Aere Tyburtino coeterisque rebus in isto aere nascentibus : pro viribus meis dicta sint

sint satis spinosiora , ad laudem Dei
Beataeq. Virginis eius Matris Mariae ,
& sanctorum nostrorum concuium .


F I N I S .




*Candidus Lector sic errata
corriget.*


*Parua quaedam errata consulto ommissa
sunt, in quibus Lector decipi non potest uti
cum littera pro littera posita est sic quo-
que interpunctorum, & accentuum negle-
ximus emendationem, quæ vero visa sũt
nobis nēcessaria recoluntur.*

Pagina 6. versiculo 7. lege videar. p. 7. v. 8. l. me
proposuisse. p. 8. v. 20. l. dimensionis. p. 10. v. 5. l. rapi-
tur. p. 11. v. 24. l. deferuntur. p. 12. v. 7. l. spirare. ibid.
v. 9. l. constet. p. 12. v. 22. l. etiam. p. 21. v. 20. l. Zephy-
ri. p. 22. v. 8. l. nullo. p. 23. v. 10. l. sint. p. 26. v. 11. l. no-
bis. p. 34. v. 10. adde non. p. 37. v. 3. l. nulli alij Ciui-
tati est hæc secunda. p. 40. v. 4. lin bellarijs. p. 58.
v. 1. l. Nam. p. 64. 2. 18. l. re. p. 68. v. 19. l. viderentur.
ibid. v. 21. l. altera aqua. p. 71. v. 12. l. sol moderari.
ibid. v. 13. l. ille violentus motus. p. 73. v. 23. l. pota-
tionibus. p. 79. v. 11. l. quam alterum saporem. ibid.
v. 15. l. quam. p. 91. v. 17. l. nisi quia. p. 92. v. 8. l. Aëris.
p. 98. v. 12. l. visu. ibid. v. 20. l. indigestione. p. 97. 23.
l. incensionibus. p. 101. v. 16. l. est. ibid. v. 20. l. testifi-
catur.









K 43.

XXIX
C-42

BIBL
VI

X